



# 國聞週報

二期廿八期

中華郵務局特准掛號認爲立券新聞紙類

孟姜女故事攷

獨斷政治下之西班牙

五卅事件與上海

今日外交之趨勢

未來之中國關稅會議觀

上海一婦人評

中華民國十四年七月二十六日出版

VOL. II. NO. 28

JULY 26. 1925



# 粵東勝景

＊ 中方之日 ＊



鼎湖半山亭


＊ 時云暮矣 ＊



英德之遠望




# 南 國 奇 觀



緬甸之大佛



暹羅之架屋



印度之石刻




名人錄



汪大燮

汪大燮號伯棠。六十七歲。浙江前清舉人。入仕途後。以京官授職總理各國外交事務衙門主事。後漸陞遷。光緒二十八年派充日本留學生監督。三十年調任駐英出使大臣。次年冬回國升任外務部右侍郎。宣統元年特命攷察英國憲政大臣。回國後調任郵傳部左侍郎。次年充駐日公使。民國成立後仍原職。二年歸國。任熊內閣教育總長。次年春辭職改任平政院院長。五月參政院副議長。五年六月段內閣交通總長。不久辭職。六年特派赴日贈送日皇勳章專使。七月繼伍廷芳任外交總長。十一月辭職。十一年六月再任平政院院長兼中國紅十字會會長。十一月代理國務總理。旋辭職。迄今仍任平政院院長。滬案起後。充外交委員會委員。





## 閱者注意

本報下期爲一週紀念號，材料特別增多，所載文字，均每篇自成起結，名人論著之預定發表者，有董康之司法談、葉恭綽之交通談、吳鼎昌之財政談、王正廷顏惠慶之外交談、余日章之教育譚、葉楚傖之政治談，無不精警透澈，足供關心政治者之參考研究，此外如「印度國民會議」「西班牙王后爲乞丐洗脚」及某法學家根據民國憲法擬之「滑稽憲法」針砭時事，令人絕倒，其他小品亦無不精美絕倫，希讀者格外注意。

## 目錄

社評（四則）

五卅案兩月來之回顧

滬案談判遲延的責任究竟屬誰

陝西之戰

東南大學

今日外交之趨勢

五卅事件與上海

未來之中國關稅會議觀

獨斷政治下之西班牙

我國煤之需給與抵制洋煤之計畫

國內外一週間大事紀

家庭醫學常識——赤痢與白痢

孟姜女故事攷

中國影片新評（上海一婦人、花好月圓）

地獄裏的恩人（小說）

海上新粧

愛仁遇險記（小說）

影戲談（小公子）

政之

誠

冷

觀

夫

予

生

觀

蔡受百

子明

公展

余愚

詔葆

心冷

范佩英

心冷

文農

心冷



# 社評

## 五卅案兩月來之回顧

政之

五卅事件以來。忽忽已近兩月。交涉迄無進步。國民對外運動。已有再變三竭之象。而各地檢貨排貨風潮。方興未艾。對外之勝利無期。而對內之紛擾業已漸起。上無堅實負責之政府。下無組織嚴整之國民。外人勒破弱點。一味遷延。一方面老我民氣。一方面整彼團結。待至我方羣衆疲敝。然後輕描淡寫。藉辭於自動解決。以爲轉圜下台之計。而修改條約一案。則或以中國內亂爲由。巧言拒絕。或以實行華會議決爲名。姑爲敷衍。要其結果。決不能滿足吾人希望。可爲斷言。吾人推求外交形勢之惡化至此。則吾國政府與國民皆不能免其責任。

方日本紗廠事起。江蘇交涉員。若非以庸闇無識之陳世光承乏。則顧正紅案早可抗議了結。迨後上海大學等學生因援助顧案被拘。若交涉署速向捕房交涉釋放。亦不至激動學生。流於意氣。轉向租界示威。致有五卅慘變。此事前之應由官廳負責者也。迨五卅案出。羣情憤激。外人神經過敏。亦復危疑震駭。當時形勢。實已非常重大。祇以上海報界。久受外力壓迫。有譏罵政府之自由。而無指摘捕房之勇氣。羣衆暴怒之情形。在上海報中。幾未能有所表現。然此等內幕。外埠或不能周知。住居上海者。詎盡聾瞶。則如何而節制羣衆。如何而對外主張。上海之官廳與號爲領袖人物之紳商階級。均無巧滑卸責之可能。乃滬案方起。交涉員遽以病聞。而總商會則竟欲以第三者自居。忍令臨時組合之工商學聯合會。往當頭陣。三十一日之會。能市之議。固近強迫。實亦總商會自棄權威所致。工商學聯合會中。總工會組織之日方淺。實力未充。學生會則熱心有餘。經驗不足。各路商界總聯合會。雖較有整齊之組織。而勢力亦不能普遍。此數者就外表觀察。雖若非常有力。就內容研究。則非由總商會等與之切實提掣。斷難發揮效用。乃總商會其初既不肯身當羣衆前驅之衝。繼而又不屑聯絡爲合作行動。最後則指揮操縱之能力已失。轉有俯仰隨人。補苴無術之苦痛。一退一進。悉失機宜。大好權威。自毀殆盡。此事後之應由官廳與壯實有力機關負責者也。滬案風潮。影響全國。北京各界尤見激昂。此中或不無官僚政客。利用時機。別圖活動。然議論之難團體之多。確可令人駭訝。政府丁茲難局。勢不得不設法應付。寓對外於對內之中。尊重民意。上下一致之說。遍傳南北。輿論翕然。然而特派大員。辦辦遲來。既來之後。則終日忙於會客。工商學聯合會之要求。方電北京。而總商會之十三條。越日又復提出。外交部甫採聯合會之先決四條。通牒使團。交涉員又照錄總商會之十三條。正式提議。聯合會研究條件。何以不商諸總商會。總商會提出條件。又何必翹然獨異於羣衆。且聯合會所提者。雖嫌過嚴。而



後先秩序。猶覺井然。總商會所提者則輕重難輕。無先後緩急之別。兩兩比較。互有短長。世界各國。每值外交事件。無不由政府國民。演唱雙簧。互相呼應。政府假借民氣。以對外抗爭。輿論則故唱高調。以壓迫政府。此猶行舟遇風。要宜共濟。然而風濤雖險。政府究竟是掌舵之人。斷不能隨風逐浪。以全船之生命為兒戲。此次提出條件。政府應以各方提案為準繩。斟酌盡當。然後提出。乃北京震於工商學聯合會之名稱。即已容納。其意見之一部。而形諸通牒。上海則偏於總商會之虛聲。亦遂照鈔全文。正式提議。詎知聯合會與總商會之意見。不過為有力之獻議。非無修正之餘地。在政府以為容納兩會條件。正以式合民心。又豈知聯合會乃臨時組合。並無多大權威。總商會則領袖地位。此次業已放棄。是以總商會十三條提出之後。聯合會即有攻擊之聲。而六國委員團藉口無權商決十三條。談判亦遂成僵局。凡此種種。均足表示國民之無組織。商界之無智識。當局之缺乏責任心。與事實之了解。以如此之國民與政府而欲求外交勝利。甯有可能。

吾嘗謂中國今日之大患。在於應負責任者不肯負責任。不應負責任者迫於義憤而勉負責任。卒之漫無準備。修養缺乏。以盲人瞎馬之勢。冒折鼎覆餗之危。欲救中國。當明責任。應負責任者須迫其不得規避。目前不必負責任者。須努力預備修養。以待責任到來之日。抑吾人尤有感者。五卅案之交涉結果。固不可知。而吾民經此磨練。羣衆運動之勢力。自今以往。必益孟晉。則可斷言。政府當此潮流。應付決非易事。蓋壓制固勢不能助長。亦宜有分際。今之官僚。但解做官。從前獨夫當國。則以諂上為能。現在羣衆有權。又以媚下自保。實則國家利害。當策全局。責任之中。須含道義。諂上固足以喪邦。媚下亦每堪禍國。是又國民所宜通盤籌畫而課

其責任者也

### 滬案談判遲延的責任究應屬誰

誠夫

滬案發生。垂五十日。中間雖曾經中外委員之調查與談判。外部使團間照會之往還。然曲折之情由。與善變之事態。層出不窮。至今實際上尚毫無端緒。蓋外交當局之泄沓因循。與使團內部之破裂。吾人以為皆係滬案談判遲延之直接原因。而皆不勝其遺憾者也。

滬上中外委員談判停頓之後。雙方委員皆次第回京。外交當局此時即當絕對負責交涉之責。不能為減輕責任之企圖。不必博尊重民意之美名。斟酌形勢。迅速進行。以期滬案早日解決。滬上罷市罷工。亦得早日結束。於國於民。兩有裨益。此為外交當局最普通之職責。亦為壓足國人期望之惟一事件。獨惜外交當局未嘗注意及此。最初則專志於外交委員會之籌設。其次於滬案必須移交辦理之會。則又添派三大員。冀滬案交涉責任盡委於顏王蔡三人。一時國內輿論。頗起非難。既而顏王蔡有請劃清職權範圍之呈文。於是執政府外交部因此而消磨於疏解勸慰之中者。又歷若干日。疏解結果。則十三條之前五項。依然由外交當局負責辦理。顏王蔡則負磋商後八條及修改不平等條約之責。然而僅此國內數度之波折。外交上錯過之時機。已不能數計。我方之準備。雖已就緒。而使團反以使團能否管轄工部局之問題。不能與我國開議。前之使團催促我國開議者。至是又變為我國催促使團談判之局面。然我國外交當局已往泄沓之事實。殊不能不謂非滬案談判遲延之一因也。

使團方面當六國委員團回京之後。對於滬案談判。曾為相當之進行。其時使團內部裂痕。猶未十分顯露。故尚標榜協調政策。但未幾而法使瑪



太爾突辭滬案談判代表之任。於是使團內部之秘密。稍稍洩露於世。其辭職聲明書中。最爲警策之句有云。『關於工部局董事會之權限問題。及對於使團之地位問題。解釋上似已發生衝突。在使團方面之意。以爲董事會之權力。純係行政性質。公共租界之實權。操之於關係各國之駐滬領事。而領事又直接受轄於北京各公使。而工部局董事。則以實際上僅能對納稅選舉人負責。故對各公使指揮。隱然有不服從之意。……外交團於事實上既不能指揮工部局。然則在此種權力尚未統一之際。進行交涉果有何用。……』法使聲明書之命意。蓋憤於使團某關係國代辦。暗中左袒工部局。致該局乃敢違抗使團決議之命令。此段事實。證以七月十八日法國外交部發表之公文。益可瞭然。彙可明今日北京使團內部之情形。與滬案擱淺之應負責之人。法外部公文扼要之點。有云。『北京使團一致主張對滬工部局。必須課以相當懲罰。不圖工部局竟抗不服從。當時六國委員團皆主張。應將所擬對滬工部局懲罰條件。通知中政府。被英代辦白拉瑞極力反對。以致滬案擱淺。終不能解決。』從上述兩項文件觀之。滬案談判擱淺之原因。與責任。法國方面。已盡量宣布無餘。英人雖欲自辯。對此法外部之公文。殆有無法洗刷之感。從而知滬案進行遲緩之原因。外交當局。至多亦祇能負有因循之咎。而遲延之責。則使團中確另有應負責之人物。其延宕之心理。與蠻橫之手腕。殆有不能不令人驚惡痛恨者矣。（七月二十日自北京寄）

## 陝西之戰

冷觀

宇宙事物不能逃於因果之公律。造惡因者。斷無可收良果之理。中華民國之成立。並非國民全部之努力。實係軍人排滿反清之所致。和因如此。故十四年來軍人勢力日進無已。然而優勝劣敗。適者生存。亦爲不可沒滅之公例。是以軍人交關之結局。凡成一時之功者。必有其成功之理由。凡最後之失敗者。亦必有其致敗之要素。中間因果聯絡。亦決少偶爾僥倖之事。吾人以今日之軍閥與三五年前之軍閥比較。就軍隊設備與軍閥智識言。已有截然不同之感。足見即在軍閥之中。亦不能免天然淘汰之作用。曩之泄泄沓沓。專務安富尊榮。放縱橫恣。隨時代之變遷。已相繼失敗而去。今後羣衆權威。日重一日。爲軍閥者。非一面修養實力。一面勉徇民意。斷無持久成功之希望。且人民之智識益增。則軍人之力。量必愈薄。蓋民衆組織愈完全。則軍閥應權付民衆之智識。亦非繼長增高。不足以自保其優越之地位。果有兩方軍閥。形成對峙。則最後之成功。必屬於接近羣衆。擁有民意後援之一方。此又勢所必至。理有當然者。不過人民智識愈進步。則凡欲接近民衆者。亦非確有誠意。著諸事實。不能得民衆之贊助。若徒以口舌文字。示惠於民。結果仍不免失敗。此又吾人所敢斷言者也。

吾人本諸上述理由。認爲舊式軍閥。已達日暮途窮之境。今吳新田之在陝失敗。乃天然淘汰。蓋吳氏在陝。雖擁有一師之衆。實則民心不附。等於獨夫。是以陝軍一閱。倉皇遁去。世人或怪吳氏太無能力。不知彼所憑藉。本不可恃。惟入陝之軍。雖隸孫岳。將來孫之能力。是否足以督陝。仍是問題。蓋今之軍人。不患其有野心。而患其才力不足以相副。孫岳以一混成旅長。倒曹之後。擴充兵力至四五師。即馮玉祥胡景翼之近侍。亦竊竊議其太過。然孫體向多病。才力實不足以御制所部。加以豫省奇窮。軍餉無著。而號稱民黨中人。之野心家。利孫之多病。相率包圍利用。各欲攫得一部兵權。以資展布。最近陝西之戰。吳新田固是失敗。而孫岳亦未必便爲成功。自吾觀之。吳敗不可復與。孫成決非幸事。陝西戰事。變化方多。



果不牽動豫局。猶可徐圖了結。否則中原多事。難免不全部動搖。是可慮也。

## 東南大學

慎予

我們看到「東南大學」這個名詞。常常可以聯想到他的前面還帶着「國立」的一個帽子。不但我們就是東南大學的教員學生們。也何嘗不以「國立」自居呢。既然東南大學還是個國立的學校。那麼斷不是一人一家的私物。尤其是負有專責的教育部。不能「坐觀成敗」。然而照現在的情形。我們着實疑惑東南大學已不是一個國家設立的學校。不能不嘆「且看今日之東南。竟是誰家之天下」。

我以為一個國立學校。一方面政府應該有處理這個學校的職權。這種職權的能否行施。便是威信所關。一方面學校究竟是一個教育人才的地方。應該以學生學業為重。在這兩方面維持威信。是政府自己應該負責的事。倘使要學校裏的任何一部分人——校長。教員。學生——來代替政府維持威信。或竟藉口尊重政府威信。來作迎難拒難的迫擊砲。我們雖然可以加以原恕。未必盡為個人地盤。但認為着實可以不必。并且如果這兩方面不能兼顧時。與其以學生學業殉政府威信。果然學生能安於學業。不如委曲變通些。倒也不妨。因為學校究竟不比軍隊。然而照東南大學的情形。非惟雙方不能兼顧。實在是政府威嚴學生學業。同歸於盡。

原來。免郭秉文職。是在馬叙倫代部的時代。那時候做事的手續很不完全。又出之以操切。以致釀成後來許多糾紛。這對馬氏個人。我前次已經加以評判。不過他代表的究竟是教育部。所以這件事教育部應該負其全責。後來馬敘倫走了。章士釗上臺。在這時候。如果認馬氏命令為非實

行不可。應該盡力扶助胡敦復到任。否則。另外再想出一個辦法來。走第三條路去尋解決的途徑。無如他除派了一個人到南京去調查了一回。敷衍耳目外。其餘無論鬧到天翻地覆。一概充耳不聞。以致坐使迎拒雙方。天天拿報紙做戰場。成了個相持的狀態。現在江蘇省長雖然任命了蔣維喬代理校長。而胡敦復還在報上大登廣告。說沒有經過他簽字的教員聘書。不能有效。這似乎過於滑稽。而所以造成這種混亂古怪的局面。教育部的溺職。不能不負重大原任。

其次。郭秉文和胡敦復兩個人。都不能逃脫責任。原來郭氏既被免職。應該就切切實實聲明脫離。無如他模模糊糊的拖了個奉校董會命出校考察教育的尾巴。於是惹起了一大篇文章。胡敦復呢。他似乎是教育部正式任命的校長。這種百折不撓的精神。應該佩服。但是我始終相信學校應該以學生學業為重。像胡氏這樣「孤軍轉戰」。在自己果然沒有好處。在事實上又無補於校。倒不如直截爽快辭了職。看教育部沒有一句話不成。

以上我說胡敦復的話。不免有人要說我太沒公道了。我在這舉國學潮風起的當中（尤其是校長風潮）我常有一個感想。以為惟有能犧牲自己的人才。是真能愛校。因為我相信辦學校斷無非我不可之理。而以學生學業殉我一人。難道是愛校者所忍出。所以如是學生反對我。我儘管走。使他們失了攻擊的目標。是非曲直。不必定要我來辯明。

因之東南大學的事。我以為郭胡個人都該放棄。教育部却不能不切實負責任。（七月二十三日）





# 今日外交之趨勢

北京特天  
別通信生

滬案發生。中外兩方之當局。均不免有手忙脚亂。毫無準備之咎。失態之事。隨在而現。以致交涉停頓。枝節橫生。外國宣傳機關。復加以先染之工。益令外交空氣。五光十色。國人對之。鮮有不如墮五里霧中。綜計我國方面。而有所謂第一會議。第二會議。與第三會議。外人方面有使團方面所主張之倫敦會議。美國政府所提倡之對華會議。及英國政府所主議之滬案調查團體。吾人茲特對於空氣中各種會議之性質。及今後外交之趨勢。約略剖析之。

依國人意旨。因滬案而發生之要求。可大別為兩大部份。一為滬案本身之解決與善後。一為中外關係之根本改善。懲兇賠償收回公廨等。即屬於前者。修正不平等條約。即屬於後者也。復依國人片面的理想。自以兩部要求。同時償願。最為美滿。然而事實。有所不許。故不得不從時間上。分別步驟。以第一步之要求。沈（即滬案本身之解決與善後）作為第一步。以第二步之要求（修正條約）作為第二步。

負交涉責任之人



別步驟。以第一步之要求。沈（即滬案本身之解決與善後）作為第一步。以第二步之要求（修正條約）作為第二步。

負交涉責任之人



此我國方面之方針也。然在外人方面。則對於滬案討論之範圍。以愈小為愈佳。故最初在慶上海開議之時。祇願討論懲兇賠償等項。收回公廨等

問題。尙不願提及。換言之。祇願就滬案之本身加以解決。滬案之善後。猶非所願聞。更何論於修正不平等條約。此使團方面第一次之態度也。至滬案移京而後。使團鑒於調查所得事實之真相。與夫世界輿論之公評。我國民氣之激昂。終不能無所影響於其所執之態度。故亦潛移默化承認。除滬案本身以外。對於其善後問題（即收回公廨等）亦可加以討論。惟對於修正不平等條約。則仍深閉固拒。諱莫如深。然又因我國方面修約主張堅持甚力。遂不得不用緩兵之計。將我國第一部之要求（即上述滬案本身之解決與善後）分為兩步進行。第一步討論懲兇賠償等項。第二步討論收回公廨等項。必須待第一步終了之後。方可進行第二步。係外人揣測。以為似此遷延。必稽時日。彼時中國民氣。已可漸次冷靜。滬案解決。復得相當滿意。則修約問題。或可消滅於不知不覺之中矣。



然承認討論會審公廨等問題。實爲滬案移京後。使團方面讓步之點。亦即其態度之第二變也。在我國方面亦深知外人方面之意。其所以延宕之故。無非爲打消修約之計。然在事實上。時滬案本身條件。與滬案善後條件。分爲兩部。亦屬情理所計。遂一方爲容納使團意見。承認第一會議第二會議之說。一方爲貫徹自己方針。主張各別室內。同時舉行之議。

至於修正修約。則作爲第三會議。如是全部問題在空間上縱分爲三種會議。而在時間上則仍爲兩大步驟。此即第一

負交涉責任之人



王正廷

一第三會議之所由來。亦可謂我國今日外交上抽象計劃之大綱也。大勢所趨。我國修正條約之呼聲。已促起世界各國之注意。帝國主義者終不能漠然無所動。且在事實上。中國今日條約上最大不平之點。不外關稅問題與領判權問題。今日需待修改最切者亦不外此兩點。而此兩點又在華府會議已議有辦法。各國屢宕而不實行者也。今則關稅條約既經法國批准。特別關稅會議之召集。即將在三箇月內。爲準備撤銷領判權而派遣之各國司法調查團各國亦已準備實行。僅因中國要求而暫行展緩。可見今日中國修正不平等條約之要求。實已完全包舉在華會條約之中。雖程度不必相侔。而實質初無二致。今日中國民氣之憤激。反動之劇烈。謂即由於各國平時過於漠視中國人民之要求。延宕華會

條約之實施之所致。亦不爲過。各國爲釜底抽薪。緩和中國人民心理起見。自不能堅持其頑舊觀念。而毫無更張其政策也。然外人心理。以爲縱欲承允中國修正條約之要求。亦願作爲各國自動的提議。而不願作爲被動的承認。願以之作爲各國善意的措施。而不願作爲中國要挾的條件。換言之。願以之脫離滬案之外。作爲各國另行提議之事。自博寬大溫厚之雅。而不願使中國人借滬案爲脅迫之具。使外人不得不俯首承認。致傷白種人尊嚴之威也。故一方駐京使團雖極力否認修約要求。而一方則召開對華會議。討論中國要求之聲浪。反蘇起於新大陸上。彷彿春雷初發。遠處隆隆。在國人線視或以爲矛盾迷離。然苟能諳乎上述之內容。必不以爲相反。而適以爲相應矣。

吾人以爲美國政府所提倡之對華會議。是否爲美國自動的發意。抑爲英國政府所暗示。亦足有研證之餘地。至其所謂對華會議之內容。則分兩種。一爲關稅會議。一爲調查司法委員會。其根據皆在華會條約。故美國與列強之言。咸稱僅爲實施條約。而諱稱修正不平等條約。尤否認所謂國際新會議。且宣言必須在中國秩序恢復以後。方可舉行。以上兩種會議。是則我國欲因滬案而要求修正條約者。各國則以解決滬案爲修約

負交涉責任之人



蔡廷幹



之先決條件。其不願受我國要挾之意味。顯然若揭。要之。今日之所謂對華會議者。在外人視之。以爲與滬案無關。正係實施條約（華會條約）而非修正條約。而在我國人視之。則固無妨。認爲是正。國人所要求之條約。會議而用以自慰也。

負交涉及責任之人



曾宗鑒

至於所謂倫敦會議。則係因駐京使團。對於工部局權限之解釋。不能一致。議以解決於倫敦政府與駐英各國使節之會議。並非滬案移英磋商之意。蓋此所會議者。乃各國間相互之會議。而非各國與我國間關於滬案之交涉也。日前日美法駐英各使已與外相張伯倫。有所會商。大致主張組織純粹司法性質之團體。以偵查滬案。作解決基礎。換言之。此乃各國對華問題。互謀協調之會議。而非與中國相對磋商之會議也。以最近情形論之。各國對於我國修約要求。雖未明白應允。而已爲實質上之承認。以華會條約之實施。湊合國人熱烈之願望。要不能不認爲外人暗中讓步之點。而自最初在滬拒絕討論會審公廨問題。以迄最近變相承認條約爲止。其態度已爲第三度之修正矣。

## 五卅事件與上海

辛

千九百二十五年之大事。當以五卅事件爲破天荒之紀錄矣。中國國民。歷屆之反強權運動。亦維此役最有寶貴之價值。最有雋永之回味。記者自始不信。凡一種強權。有可以持久不敗之理。自國內論之。彼陸榮廷陳炯明之流。數年前煊赫而焜耀者。無非兵力。今其兵力安在。自國外而論。則英吉利之封鎖政策。不能不屈伏。

于蘇俄。而法蘭西之北非遠征。近且陷于不可迴旋之地。故所謂強權。其生命之持續。全仗對方應付之力量而定。若今回之事。豈不足以暴示強權之無力耶。

五卅事件。其真正之價值。並不繫于交涉。交涉勝利。于中國無所增。交涉失敗。于中國無所減。何則。總商會提出之十三條件。就令一一簽允。

而關稅協定之束縛如故。不平等條約之鉗制如故。經濟命脈仍握於外人之手。而我方之民志。則不能因此而無怠。實質上之收益。尙不敵精神之損失。此所謂不值也。假令英人憑其強國之威。仍從事於無形侵略。今日斷電氣。明日斷汲道。是且迫逐吾人。屏居於公共界外。是則十三條件。固已不須更談。而冥冥之中。正是予



我以自奮自拔之機。此所謂損失。但在表面之痛苦。驟視之如不堪勝受。而實則南北黨派之爭。多少必能消弭。海外列邦之同情。自必因之更切。爲利爲害。明達者必有以辨之也。

記者雖服務新聞。而自始即注力於民間運動。千九百二十年以降。南北奔走。未嘗有間。而最後之結果。祇有一失望之悲嘆。蓋歷屆之運動。無論其對內對外。僅賴夫一時衝動之感情。表面似歸一致。爲時一久而各界之意見。因其環境之不同。顯然暴露其裂痕。利害之見。既橫梗於胸中。遂不恤拋棄其原來之目標。而維圖於目前之解決。於是此轟烈之舉動。僅賴少數人之呼號。持續其如綫之生命。久之則此少數人者。亦深感於環境之痛苦。不堪勝任。而自告失敗。此真中國國民唯一之弱點。亦其百年取勝之所由來也。

今此之役。蓋若是其熾赫焜耀。一洗曩時疲憊怠荒之惡習。殊非吾人始意之所能逆料。當英人發難之初。吾曹之同志。在失望喟嘆之餘。徘徊顧慮。猶無意於參加。而余之個人。方翱翔於春明。迴翔於雒邑。深以民氣之不足恃。而商人階級之不能覺悟。非經更大之痛苦。難望爲攜手並命之犧牲。然余個人抵汴之日。而吾黨

之健者。感於英人極端之壓迫。已不勝其容忍之苦。而定其參加作戰之大計。余因之而知滬上此次之運動。必非泛泛之鳴。落落之鳬。決不蹈於飄流無歸之惡轍。余因之而治裝來滬。重尋其過去之生活。而講求其可以持久之道。乃所觀於滬上。非對外之可慮。乃無備之可虞。非強英之足懼。而內意不一之足憂。縱其表面之狀況。比較可憫於曩日。若論於持久之對策。竊恐此惟利是圖之商人。感於環境之困。驚於意外之利。或竟甘心於分裂。吾人深知商人所處之境界。感覺列邦經濟政策之影響。非媚外無以自存。非賣國無以自立。一旦排去其大批之商貨。必有十分之七之商人。頓陷於失業之危險。而公共租界中之地主。其多數之金錢。皆拋擲其道契房產之中。更不願見此次之運動。有恆久持續之可能。此兩派人心。殊可代表滬上資本界之意見。彼不能利用其天資之智識。脫去外人之束縛。而別爲建樹。維以目前之運動。有迫害其資產之危。而日求其所以避免之道。真吾人之所謂可慮者也。

抑余之所謂無備者。即無組織之謂。當事之初。羣衆之心理。感受突然之刺激。奮袂並起。義不返顧。若有暴桀不馴之魁儔。假以利用。則今日

之上海。直已成爲海上矣。惟國人有愛好和平之心。議論常傾於協調。縱在此極端壓迫之下。而公道之主張。必不發爲無謂之糜爛。定計之時。即於不合作之呼聲。爲對抗強權無上之利器。抑知此不合作之政策。其需要精密之組織。與一致之步伐。與有形之戰鬥。曾不少異。吾黨之歷屆運動。無次不陷於毀滅。第一即爲幹部人才缺乏之故。以人才之缺乏。而組織不能不安於苟簡。常有一人而兼數項重大之任務。終之陷於疲勞。而不任負荷之實。今次之役。我輩所持以爲對抗之武器。唯一即在商會。此商會之中。自始即無組織。所謂會董會議者。其實一財東茶叙之變相。一旦變起。令此數十財東。負先驅之責。即垂稚亦將知其不任。猶幸其時。尙有一肝胆自負之虞氏。不恤一時之毀譽。甘爲盲進之先鋒。商會之地位。猶不致於根本之傾復。若以他人處之。則不待今日。早可斷其毀棄一切之誓言。而終久投降於魯和之足下矣。吾黨之所望於商會者。則五卅以後之商會。當利用其歷史上所取得之地位。以領袖之資格。號召羣衆。求一切對內對外之責任。而負荷之。然後分部組織。由會董會員。分担任務。凡所論禮樂征伐之大故。皆應由此而出。是則本營之



規模既具。而作戰之計劃可定。指揮工人。驅爲前鋒。結合學者。聯爲兩翼。罷工則盡罷工之能事。抵制則盡其抵制之力量。成功不足居。失敗不足憂。此對外之無形作戰。利害與天下人共之。何嫌何疑。何所畏憚。竟舍其廣居大位。而不敢有日。惟從事於委卸責任之一途乎。

吾黨之論定商會。凡五卅委員會之組織。提倡國貨會之成立。從而至於檢查出貨之共同合作。一方雖由於正義派之敦促。使之不得不然。一方尙根於不顧多事之劣性。落得以重要之任務。委之其他。蓋商會中之分子。多數屬於財東公謀之切。斷不如其自謀之工。今日之商會如此。驗此數年前之商會。尙不如此。因之吾人縱有借用武器之決心。而誘發鋼蝕之機槍。實際並不中止。然而猶不肯拋棄者。則今日之投鼠尙嫌太早。吾黨中人。決不在外力壓迫之下。顯然自暴其裂痕。亦甯委曲而求全耳。商人之不足恃。乃不能不以此對外之責任。望之工學兩界。然工會之誕生。爲時甚淺。其內部方在草創。自不能有健全之組織。學生之地位。宜可有先時之預備。願青年派之心理。富於進求。對於後部之基本工作。常致忽視。以此種種。今因之反抗運動。常不能與吾人以樂觀。蓋三

大派之勢力。以其環境之所處。時有扞格之虞。一考其內部組織。仍不足以抗衡有權力之壓制也。

雖然。工學兩界。若得一領袖之指揮。則再來之發展。可決其不可限量。維商人以自暴自棄之故。勢將落伍而被制。商人之利益。應以商人之力。量自己保全。此爲天演不易之原則。不幸滬上之一輩商人。僅知夫利益之可貴。迄不肯自用其力量。縱有領袖之人材。亦不能取此腐劣之部隊。以當衝鋒之任。故商人之結果。但有兩途。一途則投入於英人日人之轍下。而請求其保護。其一途則加入羣衆。而起商閥之自閔。吾言不謬。來者可睹。蓋不待於數載。而後可驗也。吾人對於今回之事件。早有其斷然確然之決心。橫梗道上之荆棘。與對陣敵抗之武力。概不足以阻我邁往之氣。時至今日。凡作戰之大計。與自保之方略。確立已久。非特當前之危難。非所顧慮。即交涉最後之成敗。亦不值其一盼。維一之希望。則在於商工學界。乘此豫暇。迅速改善其組織。尤望滬上能產一偉大之領袖人物。指揮此有組織之部隊。爲持久之奮鬥。設有此事。則中國再甦之時期已至。而吾輩個人犧牲。真所謂值得矣。

## 日本將感劇烈地震之預言

### 梓康

梓康

德人康姆氏以研究地學著聞於時。近於某雜誌中發表其最近研究之所得。謂太平洋火山系將於西歷七八月之交。有劇烈之爆發。首受影響者。厥惟日本。而中國海岸及各島嶼。亦必受其震動。氏於前年日本大地震前。曾有同樣之預言。故人頗注意此事云。





## 未來之中國關稅會議觀

冷觀節譯

此文載於日本最近外交時報係日本學者稻原勝治所著。以其中頗多獨到語。爰節其大要。譯告國人。

譯者附識

久懸未決之金佛郎案已告解決。法國不得不批准華府會議之九國協約。則中國關稅會議之開會又為極自然之順序。即謂關稅會議之為既定之事實。亦無不可。按關稅會議係華盛頓各國條約之產物。因為世所周知。且華盛頓會議大體上係為裁止日本對華發展而設。又為世所周知之事實。英美兩國尤以英國為最富於偽善分子。為此問題。不恤對中國表示相當犧牲。如許中國關稅先改為現實之百分之五。以及更許於關稅會議上磋商二五附加稅。皆其犧牲之一端。本來此種犧牲以日本所負擔者為最重。就英美之地位言。可謂理想的處置。蓋由此以博中國之歡心。復以其代價之主要部分。使正所欲排之日本。為之担負。斯正英美外交巧妙之點。令人羨望不置者也。

若自日本人言之。甯欲進而承認中國之關稅自主權。惟因英國向來蟬踞中國海關。一有此項主張。輒令英國有被日敵視之感。且中國非將全部自主權概行回復。則僅僅樹立海關之自主。亦殊無大用處。是以日本於現實問題。隱忍不談。惟一旦發現有實現之可能。或雖不可能而有叶合機宜之情形。則吾人（日本人）任何時皆當有提此高調之準備。是又不憚斷言者也。

惟關稅會議即使迅速開會。吾人所懸念不已者。列國之態度。果與華府

會議時是否相同。此實根本問題也。華府會議乃英美有窘迫日本之一大共同目的。其對於中國內心如何姑不必問。就其外觀則固甚為中國幫忙。英國全權突提關稅七五之增加。美國全權提倡調查將來各國在華利權之獲得。皆含有一種排他的觀念。列國此種態度。現在是否繼續。實為疑問。如其然也。則頗堪為中國慶幸。如其否也。則將如何。且任何觀察。均有否定之事實。此中消息。請為略述。

理由之一。係由列國對華之本來態度而來。蓋列國對華。向認為投資物。易辭言之。即認為發展之目的物。一貫的與以相當之待遇。此點與日本之立足點大異。極端言之。彼等假令中國從地圖上完全抹卻。祇須於彼有利。儘可冷然視之。日本則於消滅中國一點。已屬超越其了解之範圍。從冷酷的國際政治眼光觀察。此為日本之弱點。因此弱點。乃使日本對華政策屢遭失敗。惟雖遭失敗而除去此失敗之原因。一以列國有利之政策。轉換方針。則政治上地理上。又胥非所許。計惟有擁此弱點繼續前進。此殆日本先天的運命也。

夫列國對華本來之態度如此。華府會議雖若表現例外。實則為放逐障礙之日本計。一時裝飾偽善。於本來態度。決無變化。是故既達目的之後。決無更保持假面具之必要。問題惟視時機如何而已。



此項機會。因臨城事件之形式。早落於列國之前。自吾人觀之。殊有滑稽之感。在列國固是渴望已久。於是對華干涉論。武力討伐論。國際共管論。風起潮湧。表面看來。極不可解。蓋華府會議之所持。四原則與此類言論之趣旨。實終不相容。不過打穿後壁。澈底解釋。則又決不足異。何則。列國之對華政策。本是如此。特因臨城案而得一透關發表之機會耳。對華觀念在前。華府會議前後。最示雲泥之差者。英國是也。英國在華府會議。提唱關稅增收七五之議。至近時則態度大變。幾令人不可置信。其現諸表面者。則為機關報倫敦泰晤士之社說。大要如左。

中國之腐敗混亂。至近時而特甚。財政紊亂。達於極度。對外債務之給付。可謂已到絕望。外國經濟的利益之受脅迫。已不忍言。且中國人無救濟時局之能力。然則處此之唯一方法。惟有列國協和。以不辭使用武力之覺悟。應其必要而採適宜之措置耳。

此種議論。在華府會議未之得聞。今則公然唱之。在國際政治上。方向變換之劇烈。其例固不甚多見。至於美國。雖不似英國之露骨。然事實上已恢復舊狀。自不待言。以上僅就英美兩國在華府會議後。變更態度。簡單紀之。藉用證明中國不能以華府會議所受之待遇。期諸將來之關稅會議。且自他方面述之。關稅會議。雖似可以得有利於中國之結果。實則亦有招致反對的結果之虞。列國為交換二五附加稅之利益計。如提出種種條件。猶或可恕。所慮者。關稅會議。難保不引進一步。使中國即於國際管理之途。是又不可不深思者也。

關稅二五附加稅。理論上為增加中國之收入。實際問題則為擴張英國之中國行政管理權。蓋中國海關與其用途之一部。握於英人之手故也。本來中國關稅。委付外人。始於長髮亂後（一八五四年）英美法三國領

事與上海道台間所訂規約。是以頗有相當之長歷史。其後四年。中國與上記三國正式立約。任英人李氏為總稅務司。李氏辭謝。以赫德代之。總稅務司權限非常擴張。嗣經中日戰爭之後。中國兩次由英德借得款項。以「至償款還清止。中國海關事務。不得變更。現在之組織。」為其條件之一。緣是向來形式上。由中國自由任命之外籍總稅務司。已受必然之縛束。是即中國行政外人管理也。至此項管理權之所以成。英人之專有者。因未幾由中國通知英國。聲明「英國之對華貿易。比他國優勢之時期中。必須以英國人為總稅務司」云。

其後辛亥和約。將常關收入。提為賠款担保。海關事務擴張。而外人管理亦同時臻於鞏固。至革命事起。關係諸國公使開會。與南北政府交涉。令總稅務司對於關稅。不特如歷來之有收入權。且並予以支出權。即從關稅內扣除中國外債之利息等項。以其餘額。交回中國政府。是至是中國行政之英人管理。遂告完成。是以今後關稅加高。收入增多。事務益繁。即成英國對於中國把持更強之結果。況中央政府財源枯竭。依賴關稅愈多。英國握持中國之咽喉。亦以愈甚也。

然而華府會議中國全權對此問題。主張頗為奇妙。彼等最初主張海關自主。其後則對英國聲明「對於現行海關行政。不加變更。」以作加增稅率之代價。中國此種態度。自係錯誤。應堂哉皇哉。主張海關自主。如主張不行。則可反詰列國。何故承認明達反路特四原則之海關外人管理。乃計不出此。反公然容認外人管理海關。斯真可為遺憾者也。

事勢如此。故吾人今已無有高呼海關自主之勇氣。藉曰有之。其勢亦非推翻華盛頓會議之決定。不能發生效果。此吾儕所以主張暫時隱忍。不復提出。留保於相當時期。蓋現在舍此固別無方法。惟是吾人於此竊欲



切勸英國撤去其獨占的色彩。誠以自四國借款團成立。世論盛行門戶開放機會均等之議。於此世界。乃猶傲然主張其外人管理之獨占事業。實非必要。關稅雖係中國所有。而中國人不使居重要地位。大抵派任外班(Out Door)內班(In Door)亦英國人比率上任用過多。儼有英國分關之象。試舉數目言之。英國貿易額占百分之四。二。日本占二六。美國一七。然稅關人員則英國四九。日本一七。美四。即謂英國貿易額係占主位。故總稅務司須以英人充任。然其他稅員自應按貿易額為之標準。何以從未實行。在關稅自主論尙且有人主張之時代。乃有此等現象。非時代錯誤而何。吾人以關稅自主為理想之主張。而在實現以前則應急手段。對於英國願提稅員正當分配之議。

海關二五附加稅之不能無償而得。今已完全明白。此在華府會議時代固已大體了解。據傳最近五月七日英法意葡比諸國公使在北京會議。於增加關稅後之二千七百萬元。作為外債担保一節。意見似已一致。此即其具體的結果之一。惟自中國言之。則此等規定。殊不十分歡迎。以為無担保之資金。係由貸方負此危險與責任。今宜力避担保之掉換。是以自華會之際。即已要求將該項收入收之數。用為重要政務及交通改善之需。在關係各國自以增收關稅充當各該國無担保資金之給付為最便利。而在中國則又最不便利。中國關於此點將有奮鬥。今蓋可以豫知。然而關係各國終必以此絕好之機會為有利之使用。加以自來一任中國之自由意志。則本利償還。始已失望之故。彼等之決意。殊有相當之鞏固。例如倫敦泰晤士為金佛郎案解決。曾著社論。有「將來關稅會議如限於華盛頓所已考量之範圍。則不若不開」之論。惟列國之要求。如在相當程度或竟全部貫徹。則償還之形式應當如何。將如現行制度。以徵

稅與付款之權利。委諸英人總稅務司乎。果爾則此事徒增英人對華之把持力。而使中國行政之外人管理更進一步而已。

本來如果以此種程度為止。則雖不可稱為成功。亦不能盡稱失敗。所慮者問題尙不止於此耳。列國之對華政策為借款與利權之交換。且此猶性質之善者也。其性質之惡者則結果係為擾亂中國之借款。因擾亂之結果不能受償時。則以種種形式之下。欲為中國實際上之支配者。此種機運。發動久遠。至於近年則甚感其相逼之迫切。如五月七日倫敦泰晤士於徵示武力干涉之外。並云「於增加關稅之同時。應斷行跌路收入之外人管理」。又於五月十八日該報載有朱爾典投稿。昌言「宜如在華英國商會所提議。擴張關稅會議。使得機會。普遍的改造中國財政之全部。並整理中央地方之財政關係」。又一現即減之美國對華道斯計畫案。皆有山雨欲來風滿樓之感。時局孕蓄無限之危機。與不利之可能性。是否將由關稅會議爆發。蓋難豫言。吾人終覺中國之獨立。至少已有減半之準備成功矣。

鐵路之國際管理成為具體問題。實始於美人米勒氏在所辦米勒評論報主倡之。在此以前。如陳錦濤長財政部之時。曾倡以外資統一鐵道。袁世凱時代。駐京英使曾提議將鐵路改為海關同樣之組織。以英人派充總理。然其提出具體之成案則要以米勒氏為始。在此前後。英人烏黑在天津京津泰晤士發表廣汎之中國改造說。其一部盛倡鐵道國際管理。烏黑之說。影響頗大。在華英美人有悉示贊成之象。尤妙在中國要人中亦有贊同斯議者。外人觀此形勢。遂由中英公司梅爾斯。交通部顧問倍克。提出詳細辦法。梅爾斯之條陳。自鐵道買收費以至各鐵路重要外員之分配。亦詳為記載。前紀倫敦泰晤士之鐵路管理論。決非偶然實現。



試考以上背景。蓋極明瞭以增加中國收入爲目的之關稅會議而提議鐵路之國際管理。形式上似甚不當。然自英國人觀之。殆有理所當然之感。何則。英國於此。固爲頑強執拗之主張者也。

朱爾典之中國財政全部改造論。較諸泰晤士報之國際管理問題之重大。殆不可倫。比彼所主張。實即中國財政之國際管理。先由行政方面下手。後且不得不涉及立法。果如所言。則中國之民主政治。將立見消滅。其政治的意志與行動。悉須受外國之指揮。是則中國國民如何不可知。至少亦將使獨立之中國。從地圖上失其存在。夫提案性質之重大如此。若果出於日本之主唱。不知華人之攻擊當爲如何。西原借款自是誤認。然英美所爲亦不外乎此。願日本在中國則一舉一動。悉受譏評。日本之罪惡。要由於與英美之利益不兩立耳。如果英美主張保全中國。日本則主張以鐵道或財政全部委任於外人。且委任以日本爲主腦之外人管理。恐日本將至不能出面於世界矣。

爲中國計。有當注意者。對於中國之國際管理。（不問係全部的或係局部的。）英美實有十分提攜可能性是也。英美提攜於糾合兩國資本。頗有可以發揮重大效果之勢。蓋美國之真意。在於打拉之東漸。即以現在歐洲之資本。集中於東方。此殆英美握手之關鍵。惟其出以何種形式。則未來之關稅會議上當有可觀。不過就美國言。欲以對德之道威斯計畫。適用於中國。在資本家與政治家。中不無此念。即此具體方法。亦不難想像。假定因中國外債有整理之必要。遂發行一種整理公債。而以鐵道及其他担保爲發行之資源。此項債票在美國賣出。是則中國之新外債大體由美國担任。現在列國之對華債權。悉行移轉於美。如此則羅素氏之對華道威斯案評論。蓋非無稽之言。羅氏之言曰。「道威斯案者美

國以對歐所有之債權。而買歐洲在中國之利權也。」夫果如此。則實行上最不利者。當爲英國。英國是否肯以在華之地位。讓諸後進之美國。實爲一大疑問。然英國若甘與美國立同等地位。一如華府會議上之海軍比率。則妥協亦非不可能。是在英國之決心如何而已。

此外更有一法。即現存對華借款銀行團之破壞是也。該團之成本爲封鎖日本之對華活動而設。其實際乃至使列國之對華活動。亦陷于不可能。斯殆美國所認爲意外者。因日本始終準據借款團組織之精神。英美無迴旋之餘地。故美國於去年十月該團會議。主張加入「以十二個月之豫告。得自由脫退。」一條。蓋已爲脫退之準備。時候適宜之機會而後公告耳。如果英美間意思一致。則未來之關稅會議亦其機會也。要之關稅會議有種種發展之可能性。日本惟當抱定華府決議之限度。不許於二五附加稅外。更令發展。

### 繡帶子（聞蟬）

（劍華）

小院一聲蟬驚破北窗眼。初試清吟游戲。不管動人憐。  
溽暑苦長天。執翳葉羨煞頑仙。還嫌多事。高吟綠樹。鼓翅如絃。






## 獨斷政治下之西班牙

蔡受百

現西班牙國內情勢至爲嚴重。自新政府成立以來。全國人民。處於獨斷政治積威之下。所有公民權利。幾被剝奪無餘。該國對摩洛哥戰事。耗去金錢生命無算。而迄未能得勝。故舉國紛擾不甯。對政府之鐵腕政策。憤激口甚。現政府表面雖安然存在。而實無處不受人之攻擊。其被推倒。正意中事也。

西班牙迪克推里維拉將軍



當一九二三年。巴塞洛那 (Barcelona) 之加塔尼獨立黨 (Catalanians) 加塔尼黨。係要求與西班牙

牙脫離之加塔洛尼民族主義者。其地位與以前愛爾蘭之新芬黨相似。因政府能力薄弱。其軍隊在摩洛哥屢次失利。遂乘機起而革命。由巴塞洛那總督里維拉將軍 (General Primo de Rivera) 要求首相及外交大臣辭職。推翻內閣。但於國王亞爾豐瑣 (Alfonso) 仍表示忠敬。國王見革命局勢已成。無可挽回。遂於是年九月十四日。電召里氏入京。都馬得里 (Madrid) 組織內閣。是役不血一刃。而大局奠定。良以前政府

軟弱無能。民心久去。故里氏能舉重若輕也。自彼就首相任後。即組織臨時軍人內閣。解散國會。儼成獨斷政治之局。嚴禁革命黨共產黨及獨立黨之反叛。並以全力對付摩洛哥亂事。保守黨及自由黨。雖不滿於里氏之所爲。但亦敢怒而不敢言。此新政府之舉措。與意大利之棒喝團。如出一轍。里氏之爲人。與墨索里尼亦甚相似。(參觀本報第一卷第十六號棒喝主義篇) 現西班牙與意大利。皆處於反動政治之下。故二國國民。有同病相憐之慨。自里氏握權。獨斷政治成立後。新政府之舉措。可綜述之如次。

(一) 生活費用之設法減低 新政府曾屢次頒佈命令。改良征稅制度。及商業機關管理制度。因之生活費用。已暫時減低。

(二) 言論自由之抑制 當新政府未成立時。馬得里之尼爾阿譚尼澳報 (El Aleneo) 爲輿論之發展機關。即極右及極左之政黨。亦可在其公布其主張。向國民宣傳。自里氏秉政。即下令嗣後該報不得登載反對新政府之文字。即與政府表同情之報紙。亦每日被檢查極嚴。故各報無敢對政府有所批評者。即編閱之亦不能明該國之真相。其所言非模稜兩可不着邊際。即對政府力責諛詞。無一語可信者。綜觀世界各國。對於控制輿論。所採方法之嚴切。至西班牙而極。即墨索里尼在意大利。對其國報紙所施之壓迫政策。與此相較。亦望塵莫及。馬得里報紙公會。嘗請求政府對報紙言論方面。可否稍事寬假。否則各報將逐漸消亡。新聞記




者將無可生活。蓋一般人民。知報紙所載者之無一足信。故實際已停止閱讀新聞矣。因政府對消息之傳佈。檢查過嚴。故全世界各通訊社。對該國之真實詳情。多無從探悉。其國內種種騷動。究係共產黨或加塔洛民黨或軍人所主動。迄今外間尚未能明瞭。若其政局長此紛擾紊亂。則此種情事。將永無大白於天下之日。該國和平人方面。亦每有因傳佈國內消息。或對政事有所批評而被逮入獄者。其箝制言論自由方法之嚴。實舉世所罕見者也。

(三)對於創獨立論者之防範。西班牙王曾屢下命令。嚴行取締創獨立論者。凡有妨害國家安全及統一者。皆規定懲罰甚嚴。國內除大使館領事館及其他外人之建築物。所有屋宇及船舶上。不得懸國旗以外之任何旗幟。凡有違法者。監禁六星期。或罰金五百至五千畢斯他。(每一畢斯他。計合英十六先令九辨士)凡有宣傳獨立派之主張者。一經查出。即監禁二年。或罰一千至一萬畢斯他。新政府並嘗下令。禁用加塔洛尼亞之言語及旗幟。於是引起甚多加塔洛尼亞會社之反抗。政府概處以壓抑手段。且禁律益嚴。至是乃發生所謂加塔洛尼亞問題。

該地民衆。時有游行示威之事。其總督可施高壓政策。且因禁抑此種舉動而辭退。一心理學教授。於是有教授百餘人起而援助。有學生四千人。宣布罷課。加塔洛尼亞人民。嘗以此事訴之國際聯盟。聯盟謂須經西班牙之邀請。方能處理此問題。現彼等方力謀取得國外人民之同情。特於

西班牙專政會議



巴黎創辦一種周刊。專宣傳其主張。攻擊里氏之獨斷政治。此後若法國於彼等表示援助。則西班牙將與之不相容。但法國於酒及麥。多賴西班牙之供給。實不能逕與之絕也。

(四)行政方面之改革。自新政府成立後。竭力去除官場之顛預故態。一切官吏。皆被督察甚嚴。不勤其職者。不能安於位。於各種政府機關。均訂有嚴密之章程。於市政方面。亦有相當之整頓。其較重要之改革。如凡家庭內之主婦。此後概享有選舉及被選舉權。選舉人之年齡。最低改爲二十三歲。各地之代表人數。改以人口之多寡爲標準。國民對於地方事務。有權投票自決等。比較以前固有進步。但若有妨礙政府行動之事。立即加以制止。故大權仍操於中央政府。一切改革。皆虛有其名也。

近新政府又主張組織國防隊。定名沙麥丹(Somaten)。其性質與意大利之棒喝團相似。蓋里維拉處處好羣仿墨索里尼也。各地多設有募集隊員之代表。此輩大都爲初出陸軍學校無處世經驗之少年。人民對之多無好感。自組織國防隊後。年耗國帑無算。每一縣每年約須納費一萬五千至二萬畢斯他。即全國年耗八百萬至一千萬畢斯他。其所費較之以前所有上議院及國會之行政費用尤多也。

(五)最高法庭之拘束。年來最高法庭之行動。多受里氏掣肘。該法庭長里對里拉將軍(General Aguilera)素負時望。於一九二四年二月。



因不允赦免里氏之私人爲摩洛哥戰事獲愆之卡發而卡蒂將軍(General Cavalcanti)而被迫辭職。後卡氏卒判決無罪。且里氏立即昇以重要職位。因之民衆極爲憤激。但亦無如之何也。此外里氏執行己意處尙多。此但爲其一例耳。

(六)愛國團之組織 里氏近組織一愛國團。表面謂凡公正人士。無論屬何階級。皆可自由加入。但凡屬於舊政黨及否認一八七〇年之憲法。即現政府所定之憲法者。皆被排斥。換言之。即非服從里氏者。不得加入。此實其個人擴充勢力之團體也。

以上略舉西班牙獨斷政治之大概狀況。當革命初起時。國民因見前政府疲弱無能。亟欲有一強有力之政府。起而代之。此時里維拉將軍應運而出。故一般人對之頗有信心。但握權後。其舉動無一滿人意者。任摩洛哥行軍屢次失利。兵士之傷亡者至少二萬人。且耗國家財力無算。又於加塔洛尼亞激起絕大之騷動。對全國施極端之高壓政策。較之前政府有每况愈下之慨。於是國人之稍有識見者。無不望里氏之速去。但民心雖多叛離。而即此並不足以推倒獨斷政治。蓋惟武力可推翻武力。人民之怨望縱深。若無一二有實力者出而主持一切。則終無濟於事。近軍人中頗有與政治行動背馳。此乃政府所引爲隱憂者。故軍人之稍負威信而不表示積極擁戴政府者。多有遭陷害之危險也。

里氏現雖爲衆矢之的。而仍能安然於位。此實一般人民之姑息養奸。彼等對於政治多無興味。一切皆聽其自然。凡政治家不分優劣。概輕視之。對於其舉措。亦不加可否。因全國對政治無嚴切之督察。於是宵小乘機弄權。此獨斷政治之成立所以如此易。而迄今猶巍然存在也。

## 京報 新增十種附刊

北京京報爲邵飄萍社長所獨力經營。五年以來。益臻發達。消息靈確。議論謹嚴。早爲海內外各界所公認。自十三年秋季着手擴充新聞篇幅。更加闊大。且與北京國立私立各大學團體爲破天荒之大合作。於原有新聞兩大張外。增設十種附刊。各具特色。無美不收。成爲我國各種學術之淵藪。而售價極廉。外埠每月連郵費只收大洋一元。所有附刊。隨報贈閱。毫不加價。可謂我國新聞界空前的一大理想之實現。茲列十種附刊名稱如下。

- A「京報副刊」係前晨報副刊記者孫伏園先生編輯。每日一張。
  - B「戲劇週刊」凌雲漢閣編輯。星期一出版。
  - C「民衆文藝週刊」荆有麟等編輯。周魯迅先生校閱。星期二出版。
  - D「婦女週刊」北京國立女子師範大學蓄薇社編輯。星期三出版。
  - E「兒童週刊」兒童報社編輯。星期四出版。
  - F「圖書週刊」中華美術品商行圖書世界社編輯。星期五出版。
  - G「文學週刊」綠波社與星屋文學社合編。星期六出版。
  - H「電影週刊」劉步堂等編輯。星期日出版。
  - I「經濟半月刊」北大經濟學會編輯。每半月出版。
  - J「社會科學半月刊」北大愛智學會編輯。每半月出版。
- 西北週刊 自上月起電影週刊與戲劇週刊合併另出西北週刊專討論開發西北問題。希讀者特別注意。
- 以上十種。於十二月起。已完全出版。每日刊在京報贈送二種或三種。大受海內外學界歡迎。爲青年學子之唯一的良好伴侶。
- 此外尚有「臨時增刊」及注重各種寫真銅版。洵不愧爲北方最大規模革新進步之日報。倘承訂閱或投稿。毋任歡迎。(定報三分的郵票可九折代報費用) 惟希公鑒。

北京琉璃廠小沙土園京報總發行所敬啓





# 我國煤之需給與抵制洋煤之計畫

子明

煤為機器動力之源。近世科學昌明。用途愈廣。一國工業之盛衰。胥可視其用煤之多寡以下之。我國煤礦之富。甲於全球。據民國二年第十二次萬國地質學會之調查。謂中國本部所產無烟煤有三千八百七十四億六千四百萬噸。有烟煤六千零七十五億二千三百萬噸。褐煤一億萬噸。合計約有九千九百五十五億八千七百萬噸之鉅。假定其中半數可得採掘。每年為一億噸之採掘額。則可供四千四百餘年之開採。此項數額雖由推測而來。不能作為準繩。但其蘊藏量之巨大。不難想像而知矣。所惜中國有如此之富源。而不能盡其利。煤礦之開採者寥寥無幾。據民國四年度之統計。全國探煤礦者雖有三百九十五區。開採者五千四百三十七區。但礦畝之面積均不甚大。其中惟直隸開灤（二百九十七萬一千七百九十二畝）奉天撫順（二百一十六萬二千五百七十五畝）江西漢冶萍（九十五萬畝）等為較鉅。全國產煤額四年度為一千五百四十四萬零三百六十七噸。五年度約達二千萬噸。此項收量。以之供給國內消費。原尚不敷。但每年輸出海外之額。亦有百餘萬噸。近年以來更逐漸增至三百萬噸以上。因之國煤之供給。益感不足。反有待於洋煤之接濟。故洋煤之進口。每年亦有一百餘萬噸。其中進出均與日本有關係。惟由我國輸往日本者多為煉煤。日本得之以供製鋼之要需。由日本輸入我國者多為原產品。我國得之祇充各口岸汽船及工廠之用而已。茲將民國以來國煤之輸出額與洋煤之輸入額。列表比較於左。

年別	洋煤進口		國煤出口	
	噸數	值關平銀兩數	噸數	值關平銀兩數
民國元年	1,516,801	8,153,271	681,533	3,332,029
民國二年	1,626,892	9,330,778	1,049,122	6,511,006
民國三年	1,600,933	8,499,832	2,055,627	8,973,593
民國四年	1,800,333	8,103,279	1,335,533	6,076,666
民國五年	1,333,991	8,977,836	1,334,833	5,777,691
民國六年	1,333,134	15,041,834	1,525,215	6,266,859
民國七年	1,045,037	13,993,479	1,708,199	8,146,866
民國八年	1,173,833	12,357,418	1,477,433	7,337,866
民國九年	1,254,333	14,374,599	1,902,187	11,337,555
民國十年	1,366,621	15,779,868	1,866,398	12,337,555
民國十一年	1,151,333	10,776,145	2,377,433	14,000,233
民國十二年	1,366,621	13,860,635	3,108,623	18,000,233
民國十三年	1,600,933	15,100,330	3,101,333	18,000,233

觀於上表。可知國煤之出口。反大於洋煤之進口。以理衡之。則國煤如不出口。可以無須恃乎洋煤矣。但揆諸實情。實有不得不仰給於洋煤者。其中尤以上海一埠。需要洋煤為最鉅。查上海每年銷用各種煤斤。約需一百六七十萬噸。其來源與用途之大概如左。

▲來源		▲用途	
日本各種煤	年約八九十萬噸	各輪船及實業	年約百餘萬噸
開採煤	年約五六十萬噸	轉運出口及	年約三十餘萬噸
安南等處煤	年約十五萬噸	運銷內地	年約三十餘萬噸
國內各種煤	年約十五萬噸	爐灶用及雜銷	年約十六七萬噸




由此可知上海所用之煤。幾大半仰給於洋煤。推原其故。蓋有數種原因。  
 (一)吾國煤礦。大都在荒山僻嶺之中。無廣平之途。足供運輸。據聞保晉公司之煤。運至附近之鐵路。約二十餘里。每日運煤兩噸。須車費兩元。此僅係至裝出之埠。裝車後之運費。尚未計入焉。保晉如此。其他類此者甚多。  
 (二)鐵路運費過高。低者一分五六。高者三分有零。聞由陽泉運至石井。計一百二十二公里。每噸須納費四元有奇。  
 (三)地方苛捐太重。每噸煤產銷稅有各抽至一元以上者。因上述種種之原因。故由產地運煤至滬。成本極為昂貴。用煤各戶。反不如用洋煤之為合算。於是洋煤遂得暢銷於滬上。而國煤反相形見絀矣。自東南戰事之後。南北運輸。久經阻塞。蓋沿線車輛。不裝軍隊。即為軍隊扣留。欲運貨者。雖出重資。亦不得運貨之車。雖交通部有意整頓。維持運貨。亦扼於軍閥而不得行。國煤來滬。車運居多。自無車裝運。囤積於礦區者。日增月盛。故滬上自去冬起。國煤已無運來。日煤遂乘機補其缺。礦商以有貨不能出銷。非虧蝕。即停工。礦工失業。礦商失利。需供失其調節。遂益為洋商開推銷之門。近者五卅慘案發生。市民激於義憤。一致主張與英日二國經濟絕交。日煤遂亦在抵制之例。日商深知滬上國煤之缺也。乃亦慨然取消定單。以相挾制。因之日煤之供給。立感缺乏。煤荒之聲。洋洋盈耳。工部局遂藉口煤力不濟。遽行停止供給華人工廠之電流。以逞其摧殘吾國工商業之毒計。於是如華商紗廠、南洋烟草公司、商務印書館等鉅大工廠。不得不停止工作。出貨停頓。工人失業者數萬。是外人未受抵制之影響。而華商已受無窮之損失矣。可不慨哉。

夫欲言抵制。必先有補充抵制之物。今欲抵制日煤。則亦必先謀國煤之補充。此一定之理也。據最近消息。謂北方礦區所屯積之煤。計有一百四

十萬噸之鉅。斯說果確。則其最緊要最切實之救濟辦法。無過從速整頓交通。使運輸不至阻滯。一面速將此項存煤。趕運赴滬。以資接濟。俾抵制之功。不致半途而廢。刻聞交通當局。已與軍界要人商妥。日內准撥大批車輛。陸續供運。吾人甚望其見諸事實。勿再因循遷延。致一誤再誤也。但如此辦法。僅足以救目前之急。為根本計。尚須努力於生產之增加。與種種改良之計畫。而此項計畫。仍須望於政府之力行。請分言之。(一)商人之請領試探區域者。應即照准。即以一商人而請領區域較多者。亦不可加以詰難。國內鑛地極多。似無就盡之慮。况探照既有限期。限屆無報。告儘可取消。在商人有種十獲一之希望。在政府又可藉商人以明各礦之優劣。(二)礦產區域。宜廣敷鐵道。以謀運輸之便利。如遇車輛缺乏。不敷裝運時。亦須隨時添購。俾可源源裝運。(三)煤之運費。應由交通部特別減輕。以減少其成本。(四)取消各種苛捐。以輕其負擔。(五)禁止國煤之輸出。以免供給之減少。(六)獎勵小礦公司合併。用新法開掘。使生產力可以增加。如此則時煤豐富。成本減輕。我國所產之煤。乃可自給自足。國人當亦自然樂用國煤。不致再仰給於洋煤矣。(轉載銀行週報)







# 國內外一週間大事紀

(由七月十六日至二十二日)

公展

## (一) 國外之部

▲英礦工潮 英國礦工風潮。礦主苟不允撤回終止合同之通告。則礦工殊不願與之談判。此為上週已明瞭之形勢。本週亦復如是。礦工會議一致通過一案。贊成通知政府。告以礦工工會不能承認以調查礦工工資可否減少。礦工工時可否增多為目的之另一審查法庭。但礦工願于礦主撤回其提議時。與礦主公開會議。故政府所組織煤礦業審查法庭。雖十七日開庭後。即展至二十日續開。俾礦工公會可從容重行考慮。其不參加此法庭之決議。然屆時礦工當然仍無代表列席。現國會工黨議員已為礦工後援。並推舉前工黨閣員麥克唐納爾。克萊思。漢德森。及馬克斯通為調查委員。俾與礦工幹事會商一切。十七日倫敦各工團會議。又核准礦工鐵路工機工運輸工共五百餘萬人聯盟之辦法。聯盟目的在互助。而尤在于目前爭執中援助礦工。可見礦工風潮若一時未能解決。或將引起更大之工潮。因是之故。各方力謀調解。預料礦主方面不久當可撤回其通告。以便雙方公開討論云。

▲摩洛哥戰事 摩洛哥戰局。形勢仍甚嚴重。里孚人努力於政治運動。且衝入法軍陣線。故里孚軍雖死傷甚多。而法軍於十九日卒失二哨地。里孚境內。現有法軍十二萬五千人。但據巴黎晨報特派員估計。法國須

## 大水災中之高麗京城



遭四十大隊。方足以破里孚人之壓迫。十六日法貝丹上將由巴黎起程赴摩洛哥。與該處法軍總司令會商防禦里孚人之計畫。而新任總司令諾朗將軍亦將赴摩洛哥指揮。又紛紛調遣援軍前往。可見里孚兵力之不可輕視矣。二十日。法總理班樂衛稱貝丹上將將於情勢需要時。留住摩洛哥。和議現正進行。但各種必要方法仍當採行。以固陣地。摩洛哥主要軍隊已抵烏達。但須俟籌備完善後。始採攻勢。今日已通知阿白杜爾克林。法西兩國政府之正式代表。現挾有議和條件。可以磋商云云。即此可知法政府盼望和解之心固甚切。然摩洛哥里夫酋民所組織之共和國。臨時執政克里木氏對南美洲阿

根廷革新派所發之宣言。謂「世界人類將見摩洛哥人民亦起而作自由之戰爭矣。吾人之目的。至為正大。絕非對西班牙人或法蘭西人有挾



嫌之舉動。但西班牙軍閥之殘暴及其宗教之專橫。實爲此次戰爭發生之原因。故吾人不得不要求將法西兩國在摩洛哥之種種壓迫勢力。完全剷除。俾摩洛哥人得安然從事於實業及文化之發展。是則摩洛哥戰事之背景。乃一種反抗帝國主義之民族獨立運動。前作後繼。當非始終可以威力屈服者也。

▲日本政局 日本政局。近以整理稅制問題爲中心。又增加緊張之度。向者憲政會主張地租減二分。政友會主張地租減讓。而皆未見實行。最

德新總統

與登堡將

軍之最近

攝影



近憲政會主張地租設置免稅點。傳聞政府之稅制案。亦將採此議。以是頗刺戟政友會之神經。但欲實行此議。則有非常困難隨之而起。首相現本於藏相之立案。即與自黨出身之閣僚共同協議。參酌政友會之意見。提示與黨幹部後。再提出閣議。目前之問題。在二十二日受同案之提示後。政友會態度如何。據聞政友會現已決定此際樹立產業政策之根本方針。逼令政府表明其主張。如不蒙容納。則即行分離。於內閣不統一之下。爲總辭職。但果已決定如此之戰意與否。尙屬疑問。而憲政會則力避內閣瓦解。致以改造形勢。組織單獨內閣。目下兩派尙在觀望之中。

▲日俄關係 日本駐俄大使田中氏等。十四日晨七時抵莫斯科站。到站歡迎者甚衆。田中大使即爲俄國新聞發表宣言。以答俄國官民熱誠之歡迎。其詞如下。『余深信日俄兩國之親善關係。將爲組成世界平和之連鎖中之一鎖環。兩國之親善關係。因相互理解尊重他方之國家的及社會的根本觀念而愈深切。因謀緊密之經濟關係之發達而愈鞏固。向來兩國在根本上有經濟的共通利害關係。余希望且期待益發達俄日兩國之親善關係。增進相互之幸福。十五日田中大使向蘇俄聯邦中央執行委員長卡利甯氏呈遞國書。聲言兩國國民之親善。不但宜以經濟的來自物質上之利益爲基礎。尤不可不相互的諒解與尊重平和之原則之努力。齋美滿之結果於兩國國民之結合。足使在遠東之日俄關係愈形密切。不獨爲兩國平和之基礎。尤期待其爲遠東平和之基礎云。夫中俄協定之簽託。早於日俄協定。而蘇俄之派遣駐華大使。亦已數月。乃今者日本大使業已到俄。而中國尙缺如焉。中國之外交。步步落人後。真可太息也。』

▲朝鮮水災 朝鮮南部。近有大水災。十七日晚。京城通信機關已全杜絕。交通亦斷。發電所破壞。市中暗黑。在車站兵營避難者無數。死者當亦不少。龍山全市盡成澤國。軍隊四千前往救護。以堤坊已潰。水流過激。不能進行工事。故七千難民。僅救出五千。二十日。朝鮮政府始有正式報告。水勢現已退落。救濟事宜在進行中。漢河橋梁及鐵路皆安全無恙。京城龍山兩市。已於二十日點燈。電車亦開始運轉。關於水害。當局中止發表。但漢江流域之溺死者。僅京畿一道。已達千人。廣洲約五百。揚州利川兩郡次之。高陽郡二百。其他約十人內外。各方現正捐款救卹云。

▲德國政聞 十六日。德國內閣草擬答法國關於保安公約來文之覆



據德報消息。覆牒聲明德國準備有條件的加入國際聯盟。對於聯盟會章第十六條據聯盟行政會請求德國須准協約國假道進兵之規定。及凡爾塞和約所規定撤退佔領區域內軍隊之條文。皆有保留。覆牒又謂德國亟願促進保安問題。此項覆文。業於二十日送交各國政府。二十日可以同時在巴黎柏林發表。德國會將有大辯論。魯爾法軍。可於本月底左右完全撤退。現波沖維登哈定根布爾賴克林霍森等六處軍隊已於二十日完全悄然退去。大約最後一批之法屬殖民地兵。二十日亦可退出魯爾。惟杜賽爾道夫杜斯堡魯羅特三處退兵當稍緩云。

▲葡京革命。四月十八日革命未成既逃於外之軍官若干人。本月十八日晚又運動軍隊宣佈革命。巡艦伐斯科達加馬號加入革命軍。葡政府立即設法遏止叛變。革命領袖巴勒狄斯太夫及其他軍官四人。皆被捕繫獄。十九日晨革命軍已全體投降。巡艦亦無條件投降。大局如常。

## (二)國內之部


▲滬案交涉。滬案交涉現因上海公共租界工部局權限問題引起外國之爭議。而陷於停頓。幕後接洽之重心。遂移於倫敦。十六日英外長張伯倫約美法日三國駐英大使。密商對華問題。英國主張滬案由純粹司法性質之委員會調查之。

不能  
自全  
其說  
之英  
外相  
張伯  
倫



而英政府願遵守其判詞。連日協商結果。擬對華和平解決。速開關稅會議。但須附有條件。對領事裁判權。先派委員考察司法。再定撤廢時期。對滬案派司

法委員調查。美日兩使已表同意。法使則請示巴黎。據十八日法政府對外團爭議之宣言以觀。大概可與妥協。英政府之所以出此者。蓋六國委員會調查報告。係指明工部局及英捕負有相當責任。並擬有處分辦法。英政府恐滬案責任既明。交涉大勢即定。影響英國在華威望甚鉅。故竭力提議再組中外法律家委員會重行調查。希望推翻六國委員會報告。為改換滬案責任張本耳。北京方面。美使馬慕瑞語沈瑞麟。願担任勸法瑪使回京。同本公道進行交涉。一方當勸英代辦轉圜。荷蘭代辦亦奉訓令。會同中立國調停滬案。十七日借法參贊赴北戴河。徵求使意見。勸仍回京調停。日使亦商請意使勸法使回京。仍任代表。法使初允。二十二日回京。嗣因病改遲三天。段定二十二日宴各使。二十四日宴美使。先行交換意見。就近日情形言。各國政府訓令已到。大致承認外交團對工部局有最高權。法使爭執已可解決。故法使回京。遲早間事。所有工部局負責者。或由英方諷令自辭。免違令解職。有失體面。二十日午。沈瑞麟向英使催促開議。但是日外交團會議。英使不到。依然不能有所決定。開



陝 局 變 動 中 之 渭 水

議究屬何日。殊難臆對。關於議題範圍。則第一類責任問題。雙方可以了解。惟意使要求改組工部局勿列入第二類。孫顏王蔡與沈瑞麟研究再駁。十七日均堅持列入第二議程。不能歸入善後問題。由外部通知意使。意使允再提外國會議取決。修約問題。段有意見書。包含要點兩項。(一)關稅自由。(二)收回領事裁判權。十七日召沈瑞麟、孫寶琦、顏惠慶、蔡廷幹到府。徵求同意後。即提交外交委員會討論。該委員會亦分最要次要兩步。重在恢復關稅自由與收回領事裁判權。但二十一日外交團照覆外部。不允交還上海會審公廨。惟允恢復辛亥革命以前原來狀態。則收回公廨。雖外部迭開會議。法部亦派梁敬錚籌備收回公廨主任。而前途必尙多波折也。

滬案談判停頓後。上海領事團雖有人主張滬案渾了。求一轉圜方法。惟因有障礙。未易實現。日來又聞上海外僑商會將出面斡旋。冀以中外商人之力了結茲案。最初係工部局挽英商會出而主倡。後又變為英美日三國。最後更加至十一國。此十一國之商會。非正式徵求中國總商會意見。內容最關重要者。(一)表示對收回會審公廨大體同情。(二)表示得有華董列席工部局董事會。(三)聲明此項中外商會非正式交換意見。外國商會係得中國商會之請求。且請求函發表。即須復工。(四)詢問總商



有迭組閣呼聲之梁士詒

會提出之十三條。是否可以酌量修改。經總商會兩次會議結果。認第(三)項為無誠意。對第(四)項更無討論修改之可能。至第一項未免近於滑稽。第(二)項華董列席工部局董事會。又未注明根據納稅數額多寡為比例。認為並無誠意。且外商會即使果有誠意作非正式交換意見。總商會亦將先徵求各界同意。而如關稅及不平等條約等項。仍須保留。以待政府交涉。內幕既如是曲折。總商會中亦頗無人反對私自妥協。英國方面非誠意之外交手腕。當無所施其技。然因此之故。而總商會會長虞洽卿忽提出辭職。副會長方椒伯亦具函請假。二十日之會董會議。雖決定挽留。然結果尙未可知也。

滬案與修約。現已成爲相聯之問題。英美日之態度。最堪注意。英政府對於滬案。陰謀推翻六國委員會報告。固如前述。然英下議院中之質問。則近更劇烈。十五日。工黨議員質問要點如下。(一)法使何以辭退代表。公使團何以不能控制滬工部局。(二)六國委員調查報告。報紙已略有紀載。政府何以秘不宣布。對於此項調查結果。英國將取何辦法。(三)華報已到。英捕在公堂自認開鎗未予警告。英政府將如何處置。(四)陸戰隊何以於無必要時即登陸。(五)軍隊司令未得當地官廳核准。可否發分佔據學校校舍。英外長張伯倫並無明瞭答覆。對(一)謂爭點未知。(二)報告書現尙難公布辦法。在考慮中。(三)公廨審判報告。尙未得到全案卷宗。不能發表意見。(五)事實未詳。不能答覆。海軍大臣白志曼答(四)項。謂曾發訓令。陸戰隊須於英僑確受非常危險無他法可防阻。時始可登陸。十六日。外交次官麥克尼爾向工黨議員表示。謂外長張伯倫希望在事實未明瞭前勿再逼其發表任何意見。即此可見張伯倫之遁辭固已窮矣。至英國對於關稅及司法會議。則謂在中國未中止排外前不便召




集。尤足證英政府對華之有所要挾也。美國方面。柯立芝總統十四日表示希望。謂不久當可召集會議。以討論中國境內治外法權及關稅問題。美國並未與英日締結關於中國之任何契約。十七日。美政府已正式通牒華會。簽約九國及瑞典。丹麥。西班牙。秘魯。建議從速召集關稅會議。及派遣調查司法委員。考慮撤廢領判權問題。而施肇基電告。亦謂美國務卿宜言。美願履行華會條約。美政府商部及國務院專家。已着手搜集材料。供美國赴會代表之用。駐京美使十五日遞國書時。亦聲明美政府極願贊助中國實施華會決議。考美國之所以熱心召集國際會議者。一則欲藉此緩和中國之民氣。一則欲完成其華會未竟之事業。以對華表示好感。然華會結果如何。昭昭在人耳目。中國現方要求修改不平等條約。是否以關稅增收及調查司法為滿足。猶未可知。日本方面。幣原外相除聲明並無英日續盟事外。並謂日美對華意見完全相同。日內將有表同情之覆文致美。當俟事實為之證明也。

▲粵案交涉。廣州沙面及香港罷工。形勢不變。據政界要人表示。罷工至少可堅持兩月。廣州糧食足支四月。故並不畏英國之封鎖計畫。惟英領續調軍隊戰艦。擬實行封鎖廣州。大有武力解決之勢。但粵政府態度強硬。各領意見又不一致。故又宣言放棄封鎖計畫。但尙分電倫敦政府及港督。報告交涉停頓。租界危險。催派兵艦。並對港督祕商僑民移港辦法。又港政廳密送彈藥食料品一批。已到沙面。均已儲存。各領以英領單獨進行。不尊重領團公意。意見益相隔閡。駐泊沙面英法各艦。十六日後。加緊戒嚴。終夜用探海燈四處照射。為血案發生後所未見。白鶴洞英人。十七日倉惶遷徙。用電船裝載婦孺行李各物。搭輪赴港。其庸人自擾。當然別有作用。粵政府將採吳鐵城議。單獨先令英艦退出。伍朝樞繼續向

美德兩領磋商。但調停終恐無效。公安局布告。沙面案由政府負責交涉。不合作出於人民自動。當局無可干涉。惟一般外僑生命財產。仍當負責保護。粵政府復向新聞記者宣布沙面案交涉經過。及今後方針。又電徐謙。粵將特派代表到京。希協同進行外交。同時北京方面。英使照會外部。附帶沙面事件。粵領團調查節略。請發交報載。沈瑞麟以此係外人片面調查。廣州政府又無詳報。即據英使照會電粵。請獨棄成見。將調查報告電京。以證事實。一方對英使請求。拒絕照辦。北京各團體。呈請撥二十萬。接濟粵港工人。表示無分畛域。段批財部酌撥。

▲漢案交涉。漢案交涉十條件。各法團議決後。經外交委員會審查。將乙項第三條賠償傷亡及因本案所受一切損失一款。移入甲項先決條件。並加在華界苗家碼頭之太古公司當受中國保護。印捕不能越境干涉一條。合為五條。交由交涉員日內向英領事提出。並聲明乙項七條移京交涉。外長亦謂漢案將來方針。擬關於地方者歸鄂交涉。其他移京併案辦理。至交涉進行。十五日交署已送出駁覆英領三次照會。而英領將

### 應時的鼓動



蕭駁覆照會退還。對鄂提交交涉。決置不理。各界以英領態度失常。頗憤慨。擬電請先行撤換。交涉員胡鈞近與英領非正式磋商交涉辦法。以備提出條件。英領允向駐京英使請示後再復。

故目前交涉狀況。可謂毫無眉目也。

▲渝案交涉。渝案開重慶英領函川省長。略謂龍門浩為本國政治中心。依陸軍條例。應有正當防衛。若中國國民。未經本領事允可。擅入此範圍者。當開鎗射擊。省署駁覆。謂龍門浩等地。自有主權。貴領稱為領土。實屬誤解。現已派兵保護。貴領亦應嚴束英艦水兵。不得濫用武力。至謂中英兵民發生衝突。本領當炮轟重慶。尤勝駭異。假使貴海軍舉動如此。謬妄。中政府豈無相當應付。何得動出惡言。蓄意挑釁。現方正式交涉。尚未決裂。貴領應嚴制海軍登陸暴動。中政府亦當與以保護。須知本省長治軍有年。絕不畏無理恫嚇云云。但英領對渝案抗議。延不答覆。交涉署乃於十九日二次提出抗議。向英領要求六項。(一)懲戒英艦負責各官。(二)肇禍兵按名嚴懲。遞解離渝。(三)道歉。(四)賠償。(五)保證以後無暴動。(六)不得抑勒自願辭工華員。然交涉深恐不得要領。故川議會電請移京交涉。並要求英方撤換駐渝領事云。

▲上海工潮。上海罷工風潮。大體堅持如故。惟自來水工人。以停水問題。經開北商會保衛團等與自來水公司及總工會代表往返磋商。已商定二十三日一律復工。日紗廠之顧案談判。仍在進行中。聞不可以解決。洋棧出貨問題。檢查出貨委員會初決定二十日

到蚌就任之吳炳湘



定二十三日一律復工。日紗廠之顧案談判。仍在進行中。聞不可以解決。洋棧出貨問題。檢查出貨委員會初決定二十日

起開棧十天。但是日以工人缺乏。僅大倉棧出貨半天。餘棧倏開即閉。爰改定二十二日起。浦東浦西各棧一律開放十天。憑證出貨。十天以後。仍行封閉。此事當可不成問題。海員罷工。力量最大。平時上海進口之輪船。不下六百艘。本年六月。則以英捕慘殺國人。掀起極大風潮。海員相率罷工。洋商航業遂有影響。統計六月中入港船舶如下。中國二〇三。英國一七。日本一一四。其他六九。合計五〇三。去年同時為六百二隻。減少約百隻之數。此百隻之減少。可謂全為英國航輪。查英船去年六月進口航輪有一百九十六隻。今年祇一百十七隻。減少七十九隻。向來上海進出口之船。三分之一為英船。而自六月中旬以後。海員罷工擴大。英國船進口者僅二十艘。出口者僅十九艘。英國航業上所受之打擊何如。即此不難推想矣。

▲京津政聞。京局近無大變。內閣制之議。仍在磋商接洽之中。梁士詒雖辭組閣。但將來此制果成事實。此席大概屬彼。財部函各報。否認報載比金佛郎案解決。謂比使正電政府請示。意方尚未着手。國憲起草委員會。七日已下令召集。定八月三日開幕。八月八日正式開會。本月二十日開談話會時。林長民已提出十項問題。付之討論。(一)立法機關應取一院或兩院制。(二)以地方為單位之代表機關應否成立。(三)行政組織。取總統制抑內閣制。(四)選舉總統方法。(五)國權分布與省自治。(六)軍費規定。(七)彈劾與考試機關。(八)國民生計與教育。(九)解釋憲法機關。(十)憲法修正方法。參政院已定二十九日開會。國民會議選舉。東三省已允舉辦。至段張間之意見。漸形融洽。盧永祥辭職赴湯山。張作霖派楊宇霆十六日入京留盧。但係表面文章。盧當晚回京後。楊即於十七晚回津。盧亦於翌晚赴津。列席第三次軍事會議。奉系將領除在津




者外。如張宗昌吳俊陞汲金純等均到。所議內容。祕不得聞。大概對於江浙皖豫陝之事有所討論耳。但盧仍自津電請准辭。並電甯限十天內辦理交代。則其無意出任可知。張作霖突於二十日晚離津回奉。此後何所舉措。不得而知。但張學良督直。李景林督蘇。或姜登選督蘇。傳說紛紜。莫衷一是。而蘇督之是否易人。大概與江浙大局不無幾分關係。雖雙方軍事當局竭力闢謠。究不能祛人民之惑也。皖省則吳炳湘已於十七日到蚌。就省長職。定二十二日接兼督印。奉方與皖軍亦無如之何也。

▲豫陝戰事。劉憨敗亡後之豫陝問題。近又破裂矣。孫岳部之國民第三軍。徐永昌等旅。已由何遂率師入陝。託名勦匪。與吳新田部陝軍在華陰相持。國民二軍馮子明部進駐鴻門。岳維峻亦赴洛與孫岳晤商進取方略。吳新田初赴灃橋拒戰。雙方開火。形勢劇烈。但不幾日而吳軍潰退。西安不守。國民軍李虎臣徐永昌等部相繼入西安。吳部退整屋鳳翔。尙圖反攻。然孔繁錦觀望不前。甘肅陳洪濤又表示中立。吳之勢力斷不易復。所部將成流寇。段除親電孫岳力阻進兵外。又由國務員聯電勸其撤兵。但孫軍今既告提。則此後陝西督長是否昇孫實一問題。二十日閣議。一方徵張鴻意見。一方擬派陳樹藩入陝調查。真所謂好整以暇。但馮已非正式表示。當以陝界孫國民軍之大西北主義。今可謂大半告成。

▲川省戰事。川戰近既復作。劉湘坐鎮重慶。統籌後方接濟。宣布川省全省戒嚴。委王芳洲戒嚴總司令。楊芳毓。劉國孝。敖向榮等旅。連日開赴前敵。計此次參戰。當不下十萬人。袁祖銘十七日誓師。發檄文。聲述用兵主旨。並約束紀律。委王天培李炎為前敵總副指揮。北路省軍王治易襲擊遂甯。陳國棟退潼南。田頌堯響應聯軍。由鹽亭進攻潼川。中路雙方在大足隆昌榮昌內江一帶劇戰。蓋聯軍已於十四日攻克瀘州矣。

▲滇桂戰事。梧州李宗仁黃紹雄。范石生十三日聯電稱。柳州沙浦融縣。長安慶遠等處。唐軍先後擊潰。唐繼虞受重傷。率殘部竄滇黔邊界。邕垣龍雲胡若愚。本月七日宵遁。宗仁七日克復邕城。石生是日率一部由百色先行回滇。直搗昆明云云。然滇唐軒瀝代表尙否認此說。不知孰確也。

▲閩北形勢。自閩南高義失敗後。周蔭人力謀統一全閩。於是閩北尤溪形勢緊張。盧興邦部與省軍已於十二日起開始衝突。惟尙未正式作戰。蓋省方對盧軍事主各路併進。現在水口樟湖坂一帶。雖已厚集省軍。而張慶昶一旅尙未開抵永安。故遲而有待。惟盧部前曾派有代表劉朱明來省。與周商改編事。周為便利前方軍事計。迫令該代表電致盧部朱團長。請其退兵。外傳省方與盧部仍有和平解決之可能。不過盧部受周改編。即須服從周之命令。將隊伍調離尤溪。此則不啻解散盧部。盧部向所憑恃者尤溪之天險。若調離尤溪。則失所憑恃。此項條件。盧部能否履行。實為一重要問題也。





## 家庭醫學常識

余愚

### (十二) 赤痢及白痢

▲原因 一千八百九十七年（即日本明治三十年）日本醫學博士志賀氏發現本症病原爲一種桿狀短菌。遂定名爲赤痢菌（熱帶地方所流行之赤痢乃一千八百七十五年雷希氏所發現之大腸阿米巴。即大腸擬足蟲所致。稱地方病性赤痢。經過緩慢與本症不同。）本症流行於夏秋兩季。少壯者及小兒較易傳染。而尤以下流社會及農夫勞工等爲更甚。至中國古代稱本症曰滯下。謂因積汁垢膩。與濕熱滯於腸中。因而下痢。其說亦甚近理。赤水玄珠又稱之爲疫毒痢。蓋其意以爲感受疫毒。發而爲痢。此說甚當。與西醫所謂細菌傳染。不謀而合。總之此症雖爲菌所傳染。然苟善於攝生。不貪食葷膩生冷。不感濕冒寒。則無誘發本病之機矣。

▲症候 始則全身違和。食慾缺乏。大便不正。其初解者。大便尙類尋常。繼則大便時腹痛。

如絞。泄出之物。如膠如膿。或爲純血。一晝夜自數次至數十次不等。甚或有至百次者。然所解之便。其量極少。其臭極惡。加以裏急後重。病者無不蹙額切齒。以表示其難堪之狀。混有多量血液者。其色赤。因名曰赤痢。混有多量粘液。或膿汁者。其色白。因名曰白痢。此外則嘔吐呃逆。舌乾而汚。小便減少。不甚發熱。最輕者約一星期便可治愈。重者則須十餘日。或二十餘日。最重者除前述症候外。尙有發熱。脈搏細數。面色蒼白。枯瘦脫力。體溫低降。皮膚寒冷。皮下溢血。眼球陷沒。聲音嘶啞。舌苔煤黑。全身痠痛。肛門括約筋麻痺。以至脫肛等症。如此則必不久人世。（中醫謂痢下如魚腦。或如豬肝。如屋漏水。如赤豆汁。或下鮮血不止。或久痢忽大下結糞。直腸脫出身熱。脈弦氣短。呃逆唇若塗硃者。均屬不治。）在小兒則往往兼有搐搦。痙攣等症狀者。

至本症之特別症候。爲大便前之腹部雷鳴。疝痛。裏急後重。便意窘迫。脫肛等。病轉沉重者。則腹部陷沒如舟狀。左腸骨窩有壓痛性之索狀物。硬固異常。可觸知之。舌苔汚厚。渴甚。食少。嘔吐呃逆。

▲治法 本病宜嚴守攝生法。若不慎口腹。即足轉成重症。而致死亡。其最要者。宜令病者安臥靜息。慎飲食。肥濃之葷膩。生冷之瓜果。絲毫不可入口。祇可與以粥湯。葛湯。純潔之牛乳。雞卵等。無刺激性之食物。並宜溫服。室內空氣宜流通。周圍宜清潔。蠅類宜捕除。並當嚴重消毒。至藥劑療法。先宜投以下劑。以清理腸垢（中醫亦謂痢症初起無止法）。次再用收斂劑。他如消毒高林粉。及護腸血炭粉。均可酌用。裏急後重。及腸腹疝痛者。宜溫包腹部。或行溫罨法。病室宜禁人出入。以防傳染。至志賀氏所製之赤痢血清。預防療治。均稱有效。惟須請高明之西醫士注射之。



▲處方 (一)加路米兒(甘永)○五乳糖

○三。右方於初起時。作一次服。頗有頓挫之效。(二)加路米兒○六乳糖○四。右

分作四包。先服一包。後隨服草麻子油二○

○。而後每三時再內服一包。(三)草麻子油二○。○至三○。○右一次頓服。與第

一方同一目的。(四)草麻子油五○。○先服二食匙。設經過三小時。大便尚未通暢。則

更服一匙。並須於第三、第五、第七等日。反覆用之。(五)鎂磺養(亦名硫苦。即瀉鹽)三○

○。○苦味酒(即苦味丁幾)二○。○汽水二○。○。○右一日三回。二日分服。重者可一

日三回分服。(六)大黃根末六○。(吐根末(亦名衣必格末)二○。○右混和。浸於適宜

之沸湯中。濾過。令全量作一二○。○之液。再加亞拉伯樹膠(亦稱亞拉尼亞護膜)四

○。○蜀葵糖漿(即蜀葵舍利別)三○。○。每時內服一食匙(上方皆分爲下劑)(七)

單那而並(亦稱坦甯酸蛋白)六○。○右爲六包。一日三包。二日分服。(八)撒里矢爾酸

蒼鉛(即水楊酸鈹)六○。○單那而並三○。○右分爲六包。一日三包。二日分服。(九)單

那而並一○。○阿片○。○一右爲一包。與

以六包。一日三回。每回一包。(十)阿片丁幾

(即阿片酒)一○。○。○右一日三回。每回十滴。以沸水少許沖服。(上方皆爲收斂劑)

(十一)消毒高林粉五○。○。○右爲一次量。每隔三點鐘服一次。(十二)護腸血炭粉一

○。○。○每用一食匙。和開水沖服。每日八至十次。慢性者。每日服三次。(上兩藥。功能

護腸消毒。爲治痢疾霍亂之佳品。上海怡豐公司經售)(十三)黃若越幾斯(即黃若膏

○。○。二五。柯柯阿脂五○。○。○上爲坐藥四個。插入肛門。(上方對於裏快後重之頑固者

用之)其他再參看腸炎條下。

▲附錄噤口痢治法。中醫稱痢症之不進飲

食者。曰噤口痢。甚爲危險。其症口乾。舌燥。咽

澀。津液枯涸。食不得下。試看病者之舌。必無

津液。此其鐵證。用方如下。(一)黨參。石斛。黃

連。粳米。藕汁。薑汁。煎湯細細呷之。如吐出。則

再服。但得下咽。即能漸思飲食。(二)神麴。山

## 月夜

玄霜女士

銀光如瀉，

這樣的院子，

依稀月低，

且共瘦影徘徊；

凝思，默想，

浮雲才過，

涼風又拂薄袖。

唉，明月啊！

清風啊！


何苦與愁人爭這清寂之夜？

悽戚訴與誰知？

冷月終在，

年年如此。

十四，七，四夜，於張園



## 孟姜女故事考

詒 蓀

孟姜女歌謠傳遍全國。但孟姜女實爲何許人。試執途人而問之。吾知必有瞠目結舌而不能答者矣。考孟姜女之故事。流傳至今已二千五百餘年。實爲一極有研究價值之民間故事。惜古今學者。視爲鄉村俚詞。鮮注意及之。致失去許多研究之材料。雖然古籍之記載。坊間之曲本。猶有存者。吾人於斷編殘簡中。固可考其原委。爲有系統之研究也。

(一)孟姜女卽左傳中所謂「杞梁之妻」。事在襄公二十三年。齊莊公從晉歸國。在郊外遇杞梁之妻。此時因齊與莒國戰。杞梁死焉。故齊莊公見杞梁之妻。向之弔唁。此在左傳中可考者也。

(二)小戴記檀弓篇中有云「齊莊公襲莒於奪。按奪卽墜。杞梁死焉。其妻迎其柩於路而哭之哀。莊公使人弔之。」此段與左傳中之記載。無甚出入。惟增「其妻迎其柩於路而哭之哀」一語。然此「哭」字。頗可注意。今日民間所傳「孟姜女哭夫」云云。殆卽始於此也。杞梁之妻善哭。更可於孟子中所流證之。告子篇中云「淳於髡曰。昔者王豹處於淇。而河西善謳。縣駒處於高唐。而齊右善歌。華周杞梁之妻善哭其夫。而變國俗。有諸內。必形諸外。爲其事而無其功者。髡未嘗觀之也。」云云。此在小戴記與孟子書中可攷者也。

(三)在西漢時。敘述孟姜女故事之第一人。當推劉向。其所著說苑中有云「杞梁華舟進門。殺二十七人而死。其妻聞之而哭。城爲之隤。而隅爲之崩。」由是「崩城」一事。添入孟姜女故事中矣。至唐末葉。詩僧貫休有「杞梁妻」一詩。讀之可知此故事。當時已大爲變化。詩云。

秦之無道兮。四海枯。築長城兮。遮北胡。築人築土一萬里。杞梁貞婦啼鳴鳴。上無父兮。中無夫。下無子兮。孤復孤。一號城崩。塞色苦。再號杞梁骨出土。疲魂飢魄相逐歸。陌上少年莫相非。

於此可知所謂杞梁係秦人。與小戴記左傳等書中所述。大不相同。且可知杞梁係因築長城而死。從此乃有人終秦時築長城而死之范郎。卽係杞梁。此在漢唐石人著作中可攷者也。

(四)按「孟姜」之稱。「孟」字係排行。「姜」字係齊女之姓。詩經鄘風桑中篇有云「爰采芣苢。沫之鄉矣。云誰之思。姜孟姜矣。」又鄭風有女同車篇中有云「有女同車。顏如舜華。將翱將翔。佩玉瓊琚。彼美孟姜。洵美且都。」「孟姜」二字。由是成爲美人之稱。後人乃用孟姜之名。稱杞梁之妻。蓋由通名而變爲私名者也。





## 中國影片新評

(廿二)上海一婦人 出品者明星影片公司

明星影片公司「小朋友」試片後。繼三星期「上海一婦人」新片。可與吾人相見於銀幕。該公司設備完美。故攝製亦易。此點尙爲目下上海一般電影公司所莫及。十八日。該片試演於中央大戲院。座爲之滿。是劇描摩鄉村女兒。因慕虛榮墮落平康。惟尙念念不忘故夫。爲之娶婦置產。繼以自身感受痛苦彌深。則立志超拔貧女。勿使重墮火坑。熱腸俠骨。大足風世。攝製方面。已一洗前此諸片沓冗之弊。異常經濟。故結果幾無十分可以指摘之點。吾因該公司之進步神速。爲國產影片良好現象。樂爲之記而評之。

▲本事 距上海二百里之某村。有鄉女吳愛寶者。幼字同村趙貴全。趙馴謹自好。田間工作。輒遭諸少年戲侮。一日。又有細故爭鬭。趙不敵。大聲呼援。愛寶奔至。奮臂抵諸少年。衆四散。愛寶慰趙同歸。行次。遇其寄母林氏。林固滬上著名搗婦。方附車歸省。其家出所攜物分贈親鄰。愛寶之父雲生。羨其多資。託以己女。林大喜。允與俱行。愛寶不識滬行何作。以告趙。趙亦茫然。而惜別之情。見於辭色。及林挈愛寶登程。趙遂諸人之後。潛就僻處與愛寶言別。諄囑早歸。車既行。猶循軌道逐車而東。至於不見始已。趙自愛寶去後。長日鬱鬱。若不自聊。頗怠於所業。母詢其故。默然曰。渠去人益侮兒。兒將蹤跡渠。母曰。予老病侵尋。兒忍棄予而去耶。趙固孝。聞母

### 上海一婦人之一




心冷

愛寶墮落的生括

言不復作遠遊想。既母以病卒。趙治喪畢。別慕而行。顧上海者。東方第一都會也。人海茫茫。將安從得其處哉。愛寶墮平康。易名花。淡如動止。乖忤。然林氏之誘引。環境之薰陶。未幾而愛寶姚冶一時矣。豪宦李叔香。賄之。和酒徵逐。殆無虛夕。及愛寶膺花國總統選。李擲二萬金脫其籍。凡允娶愛寶後。不再納妾或治遊。更允存十萬金於銀行。爲愛寶私產。愛寶迴念貴全。躊躇不能決。林招雲生至。

共贊其成。愛寶遂無力自脫。嫁之日。李親駕汽車迎之。愛寶登車。忽見自鄉人立道旁。目灼灼向己。車行。自車窗返顧。其人蓋故夫趙貴全也。趙覓愛寶久。陡見不敢猝認。既審其果愛寶。則飛步從之。經路口。爲側面馳來。之另一汽車撞踏。入市立醫院求治。幸無性命之虞。其



上海一婦人之二

與貴全相見。各有慾懷。惟勸以忍耐而已。李娶愛寶。原屬一時豪舉。責以踐約。事安能濟。於是愛寶下李氏室。以原名(花淡如)應徵。李之友更

花事轉輾爲愛寶所聞。潛視之醫院。觀趙一足已殘。惻然傷之。爲任醫藥資。及趙傷愈。復賃屋爲之另娶。顧所娶婦薄趙庸懦且跋。漸多外遇。趙偶詰責。便反唇相譏。趙不能堪。屢責以愛寶。愛寶亦以李娶己之後。卽置前約弗踐。別眷一妓。恆外宿不返。詢其究竟。輒藉辭搪塞。故

夫故忘不如此淡傷之爲任醫藥資及趙傷愈復賃屋爲之另娶顧所娶婦薄趙庸懦且跋漸多外遇趙偶詰責便反唇相譏趙不能堪屢責以愛寶愛寶亦以李娶己之後卽置前約弗踐別眷一妓恆外宿不返詢其究竟輒藉辭搪塞故

德惠李設宴其家。李坦然而往。宴半。趙來告愛寶。謂所娶婦以妬姦凶殺於旅館。兩男立死。婦亦傷重垂斃。愛寶聞之。相持痛哭失聲。事後將爲趙更娶。趙力卻之。願得數畝田。度安樂餘生。乃爲之置產。遣之歸。曩日狎侮趙者。皆來謝罪。且爭承其田。趙自是年收租穀。儼然村中一小康之家也。一日。林氏復自鄉間携一女子至。矢志不欲操賤業。愛寶詢其身世。則與己當日之所處正同。是自女之父適以伴女偕來。愛寶遂出私蓄爲女償身價。而自送女於女子職業學校。舉學膳諸費。一身任之。校中教職員以曲中人具此風義。咸爲驚嘆。叩之曰。君拯他人出火坑。不知自身歸宿。又在何時。愛寶強笑答曰。既墮孽海。超昇匪易。得拯一人。差作一度懺悔耳。言已。車動塵飛。竟載此場心人去矣。

▲演員 宜景琳飾吳愛寶。居鄉時天真爛漫。誠懇忠實。墮落後舉動蕩佚。本性都失。前後判若兩人。而絲毫不露勉強。故以該公司演員論。此君異口實最有希望。馬徐維邦飾趙貴全。處處表現一謹愿男子神情。不脫鄉人本色。飾李叔香者爲王吉亭。描摩恃金錢勢力玩弄女性。亦尙倏澈。飾黃二媛者爲嚴蘇真。一副吃生葱面孔。頗能顯示下流婦人之對待。夫無一般是處。餘若黃筠貞所飾之林氏。嚴仲英所飾之林福根。邵莊林所飾之劉芝田。王獻齋之徐大龍。趙琛之王老九。莫不克盡厥職。故成績至佳。

▲優點 (一)幕首映演浦濱遠景。及南京路喧闐景象。及遠望中之燈市。足以顯示大上海之精神。(二)吳愛寶趙貴全之情好。用牛棚並坐。啖糖出之。雖無過於親密之表示。而情態極足動人。(三)趙母之死。僅用貴全在墓前焚楮表現。極爲經濟。(四)愛寶既墮平康。且嫁李氏。途遇貴全。相對而視。編者故使汽車疾駛。貴全狂奔。劇情因而緊張。當李叔



香強愛寶談笑之際。車窗中猶見貴全奔馳。此節極能感人。(五)愛寶見報知貴全受傷。即往醫院探視。病愈復為成家。一方表示自己歉意。一方表示不忘故夫。大足風刺都市中浪漫生活之女子。(六)愛寶既歸李氏。復以失歡下堂而去。自此見鄉人鬻女為娼。力加阻止。且使就學。如此舉動。不愧俠妓。其中涵義。為女子之墮落。非由於奸人之誘引。即由於虛榮之為害。而其癥結。則胥由於缺乏教育之故。此劇一結。不啻將娼妓問題。解決方法。揭示大眾。

## 花好月圓之一



陰謀

▲小疵  
(一) 貴全新婦外遇。相門於旅館。拔鎗互擊。此時幕中特寫。

用暗處紅光閃爍。襯出鎗彈之猛烈。但當時室中極明亮。並未將電燈滅熄。則此種設施。反與時間上發生衝突。(二)妓院宴樂時之焰火。並不美觀。片中且用特寫。既嫌蛇足。亦不經濟。

就不佞過人觀察。以明星公司所出諸片比較。則「上海一婦人」實為比較的成功之一劇。蓋今片以經濟的方法。描寫一段事實。而曲折迂迴。使觀者不起厭倦。宗旨不取廣泛複雜。感人為易。且該公司最近對於影戲極端點方面。亦能加以注意於研究。使全劇精神不蹈散漫輕懈之弊。一結悠然耐人尋味。亦較團圓式之劇本為佳。故愚以為該公司苟能本攝製此片之精神之經驗。以從事精進。則異日出品。謂為不能與舶來影片

競勝者。吾不信也。

(廿三)花好月圓 出品者神州影片公司

「花好月圓」為神州第二次出品。所以彌「不堪回首」之缺也。十九日試演於中央戲院。劇凡八本。寫男女愛情。飽經磨折。終得美滿。中間雜家庭內幕。描寫一般婦人之徧袒心理。乃現代社會寫實劇也。劇情似覺平淡無奇。惟因導演之得宜。並不顯得冷寞。茲就鄙見。一評述之。

▲劇情 張素珍是一個幽淑的女郎。同着她的母妹。住在湖邊山村上。她有一個同心好友。名叫葉元俊。還在大學讀裏書。一天。她接到元俊的信。說校中不日放假。要回來看她。因此她和她的母親都很高興。元俊的父親叫葉景善。性情很和愛。但是他的後母王氏。却很陰狡。她一心打算操縱家政。所以想把她自己的內姪配給元俊。她的內姪女叫王佩英。也很意慕元俊。但是性情不甚好。所以不能受元俊的歡迎。元俊從校中歸家後。他的表姊佩英常常來看他。但是元俊對她很冷淡。他閒暇時總是跑到張家去。和素珍的母妹等談笑。元俊在家裏住了幾天。假期已滿。要返校去了。動身時。他的後母叫用人駕着馬車。伴他到車站上去搭火車。并且諄囑他順便到表姊處去辭行。但是到了半路上。元俊却轉向別徑去看素珍。並沒有到表姊家裏。用人從車站回來後。便把這情形告知了王氏。王氏曉得元俊和素珍要好。不愛佩英。於是便施了個離間的計策。素珍果然上她的當。很疑心元俊變心。後來元俊從大學中畢業回來。去訪候素珍。才知她的母親已死。正在殷殷慰問時。他的後母也同着佩英來訪素珍了。佩英見元俊在素珍家。很含妒念。便固意同元俊親暱。并且約他同車回去。素珍眼睜睜的看着佩英挾了元俊同去。益證實她的疑念。心中真是說不盡的難過。途中佩英見山岩上有花。使

停車叫元俊幫着她去探。不幸一失足。元俊竟跌傷了頭部。佩英和王氏等忙送他到醫院中去醫治。佩英並且親自坐在榻畔看護。但無意中在元俊衣袋內發現了一枚鷄心小盒。盒內裝着素珍的照片。因此她十分妒憤。這時恰好素珍也得了元俊受傷的消息。到醫院來探望。佩英見她來。愈加憤恨。便拒給她道：「元俊現正熟睡。醫生說過的。不準驚動他。」可憐素珍只得涕淚汪汪的回去。後來王氏又用計去逼脅她。她覺得傷心而且絕望。於是便了帶僕從離開故居。悄悄的到了舅家去了。等到元俊知道王氏的詭計。冒着病去尋找素珍時。素珍已去得杳無蹤跡了。後來經過了許多波折。幸得重逢。終於重了眷屬。在「花好月圓」的境地中享受清福。

## 花好月圓之二



△ 拈酸 △

▲ 演員  
飾張素珍之 丁子明  
飾葉元俊之 李萍倩  
劇時能將一種誠懇的

態度感動觀衆。爲全劇主要人物。飾王佩英之王昭。以劇情言當爲一浮浪而善於嫉妒之女子。但伊演來太覺呆板。未能將酸意盡量發揮。至爲可惜。飾元俊後母王氏者爲原俠綺。表現陰險婦人在面部表情上能將個性顯露。惟有時太露做作痕跡。飾看護婦之黎明暉。雖幕數不多。而精

神飽滿。

▲ 優點 (一) 元俊愛素珍。雖後母王氏竭力使近佩英。而元俊未嘗易志。臨行赴校。尚繞道往辭素珍。此點可以表現凡真摯之愛。非外力所能強迫。爲人父母者觀此。當可免除世間幾許痛苦。(二) 素珍赴佩英家。陡見元俊照片。怫然不悅。此點寫素珍之天真。不事假飾。苟令狡滑者處此。未有不面露笑容而心懷怨恨者。苟若此。則將素珍純摯個性。剷除淨盡。(三) 元俊受傷入醫院。素珍聞訊望省。爲佩英所阻。憤而離家他適。老僕陰使人走告元俊。曲折中使人不失望。劇情遂不冷淡。(四) 元俊聞王氏與佩英語。力疾狂奔。既得素珍。相對潸然。素珍以抑鬱不歡。默然不言。最後元俊熱淚。點點滴上素珍手背。素珍猛覺。陰以手帕遞與元俊。此節描寫細膩。大有紅樓夢寫寶黛對哭情景。亦韻亦趣。煞是難能。(五) 游湖一幕。光線得宜。儼然圖畫。最後「花好月圓」兩幕。切合題目。且饒有詩的意味。

▲ 小疵 (一) 該公司前出「不堪回首」一片。字幕說明。以簡潔勝。此片說明。雖不見長。但附註規律的韻語。似覺失之呆板。(二) 因劇情之平淡。不得不多採風景片。故有時將劇中人強奏入風景中。似不經濟。(三) 最後游湖一幕。苟祇演至兩人相將登舟而止。便覺佳妙。今游湖幕數太多。反失精彩。







# 地獄裏的恩人

范佩黃

丁二太太在他丈夫未死之前。並不抽鴉片烟的。他丈夫一死。二太太天天在靈座前放聲大哭。兩只眼睛。常常紅腫。不是別人來勸止他。他自己總哭個不止。有時候哭得暈過去。人事不省。兩目插起。嘴裏不時吐出白沫。嚇得兒子福官。女兒鳳珠。大哭。福官拖牢二太太的手。大喊媽媽。

抱我。抱我。儘你喊得震天響。也不會知道。福官只管拉手哭喊。還是鳳珠年幾較大些。懂些道理。哭喊了一會。不見答應。想奔到後進去。但是福官見姊姊走了。連忙放下他媽媽的手。追上他的姊姊。拉住他的衣裳。不放他走。福官自己滾在地上。大哭道。怕啊。怕啊。姊姊不要去。弟弟要你的不

## 上海新粧

(七 十)

心 冷 文 農



### ◎彩紗衫◎

輕紗衫子。

五色斑斑。

美誠美矣。

惜非國產。

要去啊。喊媽來抱我。鳳珠給他牽住。只好扶他起來。福官不肯放手。也不肯起來。鳳珠告訴他道。我去喊叔母。我和你一同去。快起來。福官聽了。到叔母那裏去。方始起來。同姊姊到後進去。喊叔母。他們的叔母。剛才做布東西。聽見他們帶哭喊的聲音。知道二太太又有變了。問道。珠兒。你喊他。可答應麼。鳳珠道。不見答應。……福官道。媽動氣了。不肯抱我。我叫他。他却眨白眼。他們的叔母六太太聽了。知道是暈去。連忙走到自己的房裏。

拿丈夫的烟槍和烟盤。走到前進二太太的房裏。教鳳珠到末進裏去。喊兩個老媽子。他們姊姊走去喊來了。到二太太房裏。見六太太。六太太教這兩個老媽子。到靈座前去。把二太太扶到他床上來。老媽子去了。六太太就裝起烟來。他丈夫是抽鴉片的。而且懶得詫異。自己不裝。夢教六太太裝的。所以六太太自己烟不吃。裝却會裝的。他把烟裝好。開了烟燈。老媽子把二太太扶來了。後面跟着兩個哭哭啼啼的孩子。六太太幫助他。

們扶到床上。教老媽子去端盆水來。他們出去了。六太太然後點煙呼槍。把烟向二太太的嘴裏亂噴。噴了幾口。二太太打了一個惡心。徐徐蘇醒了。張眼看見五太太在床前。大大奇怪。這時福官爬到床上。喊媽啊。媽啊。六太太把量去的事告訴他。二太太聽了。感激萬分。六太太教福官不要響喊。讓她醒。力睡。歇。說了拿了烟具。回後進去了。

二太太的一家。都靠他丈夫尋着來養活。現在丈夫去世。進款頓絕。遺產全無。幸虧祖產分派的時候。分他一所市房。每月收進四五塊房錢。照現

在的生活程度。如何夠用呢。所以他天天愁眉百結。抑鬱不樂。不料越愁越急。越急越愁。病根種了。想起這種苦況。就聯想到丈夫在時。用途不必管的。現在少了進賬。却要顧到出賬。不免更傷心。越傷心越要哭。越哭越傷心。有時哭得暈去。那麼照老法子噴烟。烟癖在這時種了。大凡抑鬱的人。心胸不容易開拓的。所以二太太依舊這樣抑鬱。一天要哭幾次。後來病了。他們依舊噴烟。不料上了烟癖。不抽烟身體支不住了。可憐三餐之費難着。還要加了烟細。真是說不盡的苦。說不盡的難。他想起了這種情

# 上海新粧

(八十)  
心冷文農



## 百褶裝

花紗半臂。黑白相間。  
衫裙百褶。輕逸清涼。  
袖間粉披如蟬翼。蓋融  
合中西之新粧。

形。又是哭不止。兩只眼睛。紅腫不成樣兒。漸漸失明。到了這步。無法可施。恐怕醫治都不能。一家三口。沉於黑暗地獄中。

二太太失明之後。無力照顧福官。鳳珠姊弟。弄得他們身上。衣衫襤褸。七穿八孔。連補丁都沒人打。老媽子用不起。只好和六太太合燒飯。六太太看他們苦到如此。就去對二太太說。何不問人借貸。稍會活動活動呢。

二太太道。問誰去借呢。沒有抵押品。如何可以借錢呢。六太太道。倘使有意要借錢。我倒有個法兒。照我想呢。你也值得的。二太太道。什麼法子。問誰去借呢。六太太道。問租你的市房。干先生去借。利細不出。房錢扣去。不知好不好。二太太道。好的。不知道干先生肯不肯。特地去借。總要多借些。借一百五十塊錢。五太太道。要借這許多。恐怕他不肯罷。讓我去和

他說。給他拒絕。碰了頂子。我是不包的。姑且去試試。二太太道。你這樣好意。教我把什麼來報答你呢。只好禱告天地。求天保佑你們延年益壽。多福多運。六太太道。你不要先謝。不成功也未可知。成功後再謝。也不為遲。你等着聽消息罷。

六太太親自走到干先生家裏。和他商量借錢。起先干先生不肯。推托借款太大。六太太說了一遍苦話。說得干先生動了惻隱之心。答應借一百五十塊錢。談到利息。六太太又極力說苦求情。商量復商量。最好由房錢上扣去。每月只付一半。減去一半。年半為限。倘使滿期後。本款再不還清。照數扣下去。干先生想大款已經答應。利息輕些不妨。所以一口答應。借票不用寫。就在房契上註了幾句。六太太拿了錢和契。欣然而歸。告訴二



太太道。干先生真難弄。借一百五十塊錢都不肯。只借一百塊錢。利息又不肯減輕。說了又說。方始答應扣去租銀。利銀。年半爲期。倘使過期不還。租銀照扣下去。我再三和他說。二太太非常苦。眼睛身病。事體一點不能做。進款不多。吃口倒有兩小一大。如何能敷衍過去呢。再好一月房租上扣去一半。教他收着一半房租。也可以開銷上免急。我說之再三。唇焦舌疲。他却依舊不肯。我想再說也沒用了。只好答應扣去全數。二太太聽了快活得什麼似。似笑非笑。似哭非哭。眼睛似張非張。眼白揚揚的道。六太太你真是恩人了。我們三人的性命。都是你救的。教我什麼來報答你呢。只好替你供個長生祿位罷。福官鳳珠來對叔母磕頭。謝他救命之恩。六太太連忙阻止。笑道。不要這樣。我應該幫忙。對我磕頭。不要教我愧煞麼。福官和鳳珠還要磕頭。給他扶起。方始不磕。六太太臨走出去的時候。連連叮囑道。檯上的契要藏好。借錢的憑據。却寫在契上。不要失去。洋

## 愛仁遇險記



五月二十二日夜。接外子書。報滬事方亟。京行無期。旅北返南。請自爲計。云云。余一女子。隻身行千里外。寂處孤屏。將徒增憂思。乃翩然有歸意。二十四日。命李仲治行李。竟忽忽赴津。時新銘已先行。愛仁以二十六日。行自五卅。變起海員之供職于英日者。同時罷業。英日輪無至津者。愛仁年

錢也點點。二太太教鳳珠把契收好。放在櫥裏。自己摸到檯邊。解包數數。摸數了一回。說聲不差。其時六太太早已走到後進去了。講到六太太的家況。也是不興的。丈夫還要抽烟。一般的窮極無聊。他替二太太打算劃策。其實就爲自己謀錢。這麼一來。他淨到手五十塊錢。利息也不出。每月還可以去收房銀。一家開銷。倒比二太太寬裕了。在二太太方面說起來。六太太真是恩人。好心替他借貸謀錢。絲毫無報。一家三口。賴之而活。那裏會知道他從中取利呢。啊。其實六太太欺他老人家瞎子不見。稚子不懂。給他們一個當兒上上。然而二太太因爲他是救命恩人。教人買了些東西送過去。做一份小小禮兒。略報他的恩惠。而且常常教訓他的兒女。要敬重叔母。當他恩人看待。這種恩典。不可忘記。其實六太太不過是。個歧路上的聰明人。地獄裏的大恩人罷了。

文 緝

齡既舊。頓位尤少。余思見外子。不復慮及其他。遂以是輪行。余挈李仲。購一優等艙。才容二人。室在下層。漆墨不見人面。啓圓鏡小窗。略有陽光自外入。時復將暑。煩熱渴悶。汗出如瀉。行之之苦。審爲有生所未遭矣。下午。舟出大沽口。海風習習。拂襟生涼。登艙面一望。兩岸如綫。送



孤舟。愈行愈遠。漸際而沒。既而橫天暝色。映海水如黑。但聞傾洞澎湃之聲。而海上雲物。冥不復可睹。乃退入室中。積倦之後。倒身睡。夢回人醒。亦不知身在何處。

翌日二十七。即爲愛仁遭險之日。劫後餘生。蓋不敢復溫舊夢。况余文劣。恐去當時險況遠矣。上午六時。陽威漸殺。有積雲出西北隅。微含雨意。舟行渤海中。風定波甯。赴前如矢。俄聞汽笛聲。有大舟在數十丈外。鼓濤而前。我舟避向左側。久之始成平行。密雲漸籠。大霧忽至。但聞輪機震盪之中。突然作巨聲。余挈李仲。急登艙面。則見三山回繞中。而我舟昂首貼尾。竟攔其上。時海潮方落。舟身半礁半水。屢開倒輪。迄不能下。船主某買人辦徐。奔走往來。惶急甚。徐後一婦人。某部員妾也。挽徐裾而立。尤戰慄無色。少頃。警聲大放。流星上天。發大紅光。久之無應者。一舟婦孺皆號哭。船主忽有悟。急命水手。自舟尾發號火。火之作。突見探海燈光。映三山如白晝。于是舟人額手。知有再生望矣。

余動身時。携行李十六件。此時但求逃死。因命李仲出艙開艙。盡置行李其中。急自艙面盼來船。至十一時許。一舢板自北來。船主買辦。攜部員妾及一司帳者先下。餘人攀舷思同行。徐大呼曰。舢板非一。不久即至。且舢小不堪容衆。請甯候。且言且命水手鼓機而去。時舟人皆切齒。而無如何。久之。復一舢板至。載余等三十人行。余已棄行李。尚不累墜。其有攜行李者。自大舟下船。每件索力洋二元。另星小件。不及攜去者。則爲匪徒所有。或投入海中。事後。愛仁輪中一切物俱盡。而余室以固閉獨完。行李至烟台遺李仲草帽一件耳。

余等自舢板上美艦。有潘君者。習英語。與艦兵問答。知船主買辦。已赴烟台。佈置宿舍。容難人。潘問艦上何時起愛仁遇險。曰。在十時二十分。美兵

禮貌甚周。至待女子尤善。李仲憊。倚鐵板而睡。余憑舷望所自來處。乎巨則洋洋浸。迴思曩時遭險情況。設有風濤驟至者。則全舟皆爲魚鼈。豈意今日尙有此身耶。

二十八日。余挈李仲。復由舢板渡至烟台口外。同行者二十餘人。小舟騰集。欲至烟台者。人須給洋二角。余登小舟。禮謝舢中人。答禮甚恭。同行中有乏錢償舟資。失聲而號。余命李仲爲之代付。始成行。上午十時抵埠。寓永生棧。嗚呼。余輩至此。真慶永生矣。

是後舟人遭難者二。緣自艙面躍入舢板。不慎入海而死。物件損失者無數。余後以過順行。難人無資者。仍寓烟台。將俟愛仁修繕竣工。再行來滬。余以六月一日抵滬。外子日遣人伺埠。亦知愛仁遇險事。相見。亞述所遭。亦不暇更樂其他。外子命余爲記。且爲考查地志。報愛仁遇險處。當在老爺山礁。即在樂山沈船處。舟人得生。真幸事也。余以艙東交外子。且謂之。是次遭難。責在船主。買辦徐。臨難先行。豈航業慣例所許耶。余購優等艙。而給予以統艙票。此事之瑣瑣者不足論。然聽其置身事外。不可也。

### 買麵包

顧客以錢授之店夥。購麵包。夥取而數之。令益一辨士。顧客詢故。夥曰。今日麵包已漲價矣。顧客厲聲曰。然則授余以昨日所售之麵包可矣。余固未嘗言購今日之麵包也。





## 影戲譚

心冷輯

### 小公子

上海影戲公司攝製

虎山之陰有蓉村者。村尾小屋。有母子居焉。母名霞珍。幽嫺貞靜。夫侯姓早故。遺一子方七齡。活潑可愛。卽小公子也。霞珍恃十指爲活。子入學以年小性善。常爲同學欺凌。惟忍受之而已。

是村有老皮匠曰胡山。酒肆主曰王慶。爲小公子之好友。親熱若一家人。少年許俊。異鄉落魄。王慶憐而留其佐理。積務每遇夕陽西下。四人共坐閒話。或擎杯酒。或食果餌。怡如也。

小公子祖父侯鳴皋。富甲一鄉。而刻薄性成。其子不善父之所爲。棄家出外謀生。父亦與之絕。而以甥沈畸爲嗣子。妻施氏。通其夫友陸本仁。夫婦日事游蕩。候頗有悔意。老友潘斐說其迎小公子母子歸。侯許之。爲施氏所聞。與夫商。而遣陸尾潘行。將不利於小公子也。

會小公子母病。至醫生處取藥。資不足。匆匆返家。行至途中。忽一指環自樓上擲至街心。滾入溝中。物主令其取出。許給銀元。小公子因可補藥資。從之。忽一瓶又擲下。中小公子顛。血流滿面。警察見而干涉。屋主人出名片示之。並給小公子一元。小公子持往取藥。途次見酒肆中之惡徒迎面來。小公子駭而逃。步急頭痛。遂倒地。銀元爲頑兒竊去。幸胡山救之。詢得其故。出銀爲之購藥。抱其返家。霞珍感激。至於泣下。

潘訪至小公子家。告其意。霞珍允與小公子歸。

翌日。陸本仁僞稱潘病。誘小公子母子至盜窟。陸阻其隨潘往。初則恫嚇。

繼則威迫。得許俊之援。擒陸及其黨徒。始得脫。

越數日。小公子母子隨潘入城。沈與施氏知計不售。譖於侯曰。貧家女豈能諳吾家規。不如令其暫居於外。以定去留。侯然之。

小公子天真可喜。頗爲侯所愛。故沈夫婦無隙可乘。小公子生長鄉間。不慣繁華。時與鄉人共遊。恤老憐貧。對兒童尤親愛。故小公子之名。聞動全城。沈夫婦愈忌之。某日。侯得一匿名信。言霞珍有穢行。大怒。持信往諸霞珍。將及門。忽一男子踉蹌奔出。侯愈怒。逐霞珍而留小公子。

胡山等聞霞珍消息。知爲陸本仁之計。二人相約入城。代爲剖白。比至侯家。見崇樓大廈。莊嚴燦爛。三人不覺胆怯。向之怒氣勃勃。今則趨趨不前。後鼓勇而進。方欲申訴。忽內室轟然一聲。許俊疾入。見一人躍窗逃。進而獲之。則陸本仁也。侯等隨入。見沈畸倒地死矣。蓋陸與施氏幽會。爲沈撞破。陸出槍擊沈而逃。至是胡山等告侯。以陸在鄉間威迫小公子母子事。陸亦供認霞珍者。卽沈夫婦。及陸所爲。侯乃將陸與施氏併交警察。侯始知爲奸人所弄。愧慚之至。親迎霞珍入城。歸並邀鄉人痛飲。兼謝潘與胡山等保全骨肉之惠。席間宣布深悔前非。致子出外謀生。發生不少事故。從今當大返素行。並出鄉人借據數冊。悉燬於火。鄉人歡呼如雷。自此胡山等三人皆爲侯宅上賓矣。

# 題目

# 銀行週報廣告

本報郵費	報價目表	一 角五分	半 三	年 元	五 二	年 元
	歐美南洋香港	四 分	一 分	角	二 一	九 五
	附註	另加郵費	郵票代錢作	凡以內各埠不另加郵費	國算計	各埠不另加郵費

銀 行 年 鑑	公 債 法 規	會 計 科 目 名 詞 研 究	票 據 法 研 究 (初 續 編 合)	票 據 交 換 所 研 究	上 海 金 融 市 場 論	經 濟 論 集	經 濟 統 計 (每 冊)	十 二 年 份 經 濟 統 計 每 冊	十 三 年 份 經 濟 統 計 各 爲	民 國 鈔 券 史	代 售 中 國 今 日 之 貨 幣 問 題 紙 面	日 本 語 典	會 計 師 制 度 之 調 查 及 研 究	整 理 財 政 計 畫	對 法 賠 款 之 金 紙 法 郎 問 題	銀 行 公 會 聯 合 會 議 彙 紀	上 海 金 融 市 場 論	海 關 財 政 情 理 概 論	各 省 地 方 公 債 考 略	
一 元 五 角	三 角	一 角	二 元	三 角	五 角	二 角	二 角	二 元	五 角	五 角	一 元 五 角	一 元	八 角	八 角	共 計 一 元					

上海漢口路三號

銀行週報社